

四庫全書

經部

按：本冊原書於抗戰播遷中曾遭水漬，致字跡模糊不清，茲雖力經描修版面，仍無法全復舊觀。

# 欽定四庫全書

經部

儀禮經傳通解續卷二十五上

詳校官尚書臣德保

給事中臣溫常綬復勘

總校官進士臣繆珙

校對官中書臣張虎拜

謄錄監生臣徐如灝

欽定四庫全書

儀禮經傳通解續卷一十五上

宋 楊復 撰

宗廟上 祭禮九上

君子將營宮室宗廟為先廡庫為次居室為後

重先祖及國之

用曲禮下

小宗伯掌建國之神位右社稷左宗廟

庫門內維

門外之左右故書位作立鄭司農云立讀為位古者立位同字古文春秋經公即位為公即立疏曰建立也

言立邦之神位者從內向外故據國中神位而言對下經在四郊等為外神也言右社稷左宗廟者案匠人亦

云左宗廟右社稷彼掌其管作此掌其成事位次耳案  
禮記祭義注云周高左又案祖公二年取部大鼎納於  
大廟何休云質家右宗廟尚親親文家右社稷尚尊尊  
若然周人右社稷者地道尊右故社稷在右是尚尊尊  
之義此據外神在國中者社稷為尊故鄭注郊特牲云  
國中神莫大於社祭義注周尚左者據內神而言若據  
衣服尊卑先王冢冕先公鸞冕亦貴于社稷故云周尚  
左各有所對故注不同也又曰鄭知庫門內雉門外者  
後鄭義以雉門為中門周人外宗廟故知雉門外庫門  
內之左右也先鄭云古者立位同字者是古者假借字  
同也云古文春秋者藝文志云春秋古經十二卷是此  
古文經所藏之書文帝除挾書之律此本熊後行於世  
故稱辨廟祧之昭穆昭常遙反朱如字祧遷主所藏  
古文  
疏曰案禮記王制云天子七廟三昭三穆與太祖之  
廟而七諸侯二昭二穆與太祖之廟而五大夫一昭一

穆與大社之廟而三士一廟案祭法適士二廟王制不言之者取自上而下降殺以兩故畧而不言二廟者故此總云廟祧之昭穆諸侯無二祧謂始封太祖廟為祧故聘禮云不腆先君之祧是太祖為祧也又曰案祭法注祧之言超超然上去意以其遠廟為祧故云上去意也周以文武為二祧文王第稱穆武王第稱昭當文武後穆之木主入文王祧昭之木主入武王祧故云遠主所藏之廟曰祧也云自始祖之後父曰昭子曰穆者周以後搜廟為始祖特立廟不毀即從不窋已後為數不窋父為昭鞠子為穆從此以後皆父為昭子為穆至文王十四世文王第

稱穆也

春官

第

### 天子七廟三昭三穆與太祖之廟

而七

大音太下同  
祧與親廟四太

此周制七者太祖及文王武王之祖后搜殷則六廟契及湯與二昭

二穆夏則五廟無大祖禹與二昭二穆而已

反整息列反疏曰鄭氏之意天子立七廟唯謂周也

鄭必知然者案禮緯稽命徵云唐虞五廟親廟四始祖廟一夏四廟至子孫五殷五廟至子孫六鈞命決云唐堯五廟親廟四與始祖五禹四廟至子孫五殷五廟至子孫六周六廟至子孫七鄭據此為說故謂七廟周制也周所以七者以文王武王受命其廟不毀以為二祧并始祖后稷及高祖以下親廟四故為七也若王肅則以為天子七廟者謂高祖之父及高祖之祖廟為二祧并始祖及親廟四為七故聖證論肅難鄭云周之文武受命之王不違之廟推禮所施非常廟之數殷之三宗宗上德而存其廟亦不以為數凡七廟者皆不稱周室禮器云有以多為貴者天子七廟孫卿云有天下者事七世又云自上以下降殺以兩今使天子諸侯立廟並親廟四而止則君臣同制尊卑不別禮名位不同禮亦異數况其君臣乎又祭法云王下祭殤五及五世來孫則下及無親之孫而祭上不及無親之祖不亦詭哉穀梁傳云天子七廟諸侯五家語云子羔問尊卑立廟制

孔子云禮天子立七廟諸侯立五廟大夫立三廟又云  
達廟為祧有二祧焉又儒者難鄭云祭法達廟為祧鄭  
注周禮云達主所藏曰祧達經正文鄭又云先公之達  
主藏于后稷之廟先王之達主藏于文武之廟使有三  
祧何得祭法云有二祧難鄭之義凡有數條大畧如此  
不能具載鄭必以為天子七廟唯周制者馬昭難王義  
云案喪服小記王者立四廟又引禮緯夏無大祖宗禹  
而已則五廟殷人祖契而宗湯則六廟周尊后稷宗文  
王武王則七廟自夏及周少不減五多不過七禮器云  
周旅酬六尸一人發爵則周七尸七廟明矣今使文武  
不在七數既不同祭又不享嘗豈禮也哉故漢侍中盧  
植說云二祧謂文武曾子問當七廟無虛主禮器天子  
七廟堂九尺王制七廟盧植云皆據周言也穀梁傳天  
子七廟尹更始說天子七廟據周也漢書韋玄成四十  
八人議皆云周以后稷始封文武受命石渠論白虎通  
云周以后稷文武特七廟又張融謹案周禮守祧職奄

八人女祧每廟二人自大祖以下與文武及親廟四用  
七人姜嫄用一人適盡若除文武則奄少二人曾子問  
孔子說周事而云七廟無虛主若王肅數高祖之父高  
祖之祖廟與文武而九主當有九孔子何云七廟無虛  
主乎故云以周禮孔子之言為本穀梁說及小記為枝  
葉韋玄成石渠論白虎通為證驗七廟所言玄說為長  
是融申鄭之意且天子七廟者有其人則七無其人則  
五若諸侯廟制雖有其人不得過五則此天子諸侯七  
五之異也王肅云君臣同制尊卑不別其義非也又王  
下祭瑤五者非是別立瑤廟七廟外親盡之祖祫猶  
當祀之而王肅云下祭無親之孫上不及無親之祖又  
非通論又家語云先儒以為肅之所作未足可依案周  
禮唯存后稷之廟不毀案昭七年傳云余敢忘高圉亞  
圉注云周人不毀其廟報祭之似高圉亞圉廟亦不毀  
者此是不合鄭說故馬融諸侯五廟二昭二穆與大祖  
說云周人所報而不立廟



# 之廟而五

大祖始封之君王者之後不為始封之君廟疏曰凡始封之君謂王之子弟封為諸侯

為後世之大祖當此君之身不得立出王之廟則全無廟也故諸侯不敢祖天子若有大功德王特命立之則可若魯有丈王之廟鄭祖厲王是也魯非但得立丈王之廟又立姜嫄之廟及魯公武公之廟并周公及親廟除文王廟外猶八廟也此皆有功德特賜非禮之正此始封君之子得立一廟始封六世之孫始五廟備也若異姓始封如大公之屬初封則得立五廟從諸侯禮也云王者之後不為始封之君廟者以其始封之君非有功德唯因先代之後以封之不得為後世之大祖得立此君所出王者之廟必知然者以經傳無文云微子為宋之始祖故也而左傳云宋祖帝乙是也若二王之後郊天之時則得以遠代之祖配天而祭故禮運云杞之郊也禹也宋之郊也契也

大夫三廟一昭一穆與大祖之廟而三祖

別子始爵者大傳曰別子為祖謂此雖非別子始爵者亦然疏曰此據諸侯之子始為卿大夫謂之別子者也是嫡夫人之次子或衆妾之子別異于正君繼父言之故云別子引大傳者證此大祖是別子也云雖非別子始爵者亦然者此事凡有數條一是別子初雖身為大夫中間廢退至其達世子孫始得爵命者則以為大祖別子不得為大祖也二是別子及子孫不得爵命者後世始得爵命自得為大祖三是全非諸侯子孫異姓為大夫者及他國之臣初來任為大夫者亦得為大祖故云雖非別子始爵者亦然此摠包上三事如鄭志答趙商此王制所論皆殷制故云雖非別子亦得立大祖之廟若其周制別子始爵其後得立別子為大祖若非別子之後雖為大夫但立父祖曾祖三廟而已隨時而遷不得立始爵者為大祖故鄭答趙商問祭法云大夫立三廟曰考廟曰王考廟曰皇考廟注非別子故知祖考無廟商案王制大夫三廟一昭一穆與大祖之廟而

三注云大祖別子始爵者雖非別子始爵者亦然二者  
不知所定鄭荅云祭法周禮王制所云或以夏殷雖不  
合周制是鄭以爲殷周之別也鄭必知周制別子之後  
得立別子爲大祖者以大傳云別子爲祖繫之以姓而  
弗別綴之以食而弗殊雖百世而昏姻不通者周道然  
也故知別子百世不達爲大祖也周既如此明殷不繫  
姓不綴食大傳又云其庶姓別於上而戚絕於下五世  
而昏姻可以通明五世之後不復繼于別子但始爵者  
則得爲大祖也此大夫三廟者天子諸侯之大夫皆同  
知者以此及祭法歷陳天子諸侯即云大夫更不別云  
諸侯之大夫故知與天子大夫同也卿即大夫總號故  
春秋殺卿經居總號大夫其三公即與諸侯同若附庸  
之君亦五廟故莊三年公羊傳云紀季以鄒入于齊傳  
曰請後五廟以存姑姊妹又附庸得稱朝是與諸侯同

# 士一廟

謂諸侯之中士下士名曰官師者上士二廟故知  
疏曰案祭法云適士二廟今此云士一廟故知

是諸侯之中士下士祭法云官師一廟故云名曰官師者鄭既云諸侯之中士下士一廟則天子之中士下士皆三廟也必知皆二廟者以其總稱元士故昏義云八十一元士是不分別上下也鄭又知諸侯中士與下士同一廟者以祭法云適士二廟言適士則不得兼中下也

**庶人祭於寢**

寢適寢也適丁歷反

疏曰此庶人祭寢謂是庶人在官府史之屬及尋常庶人此祭謂薦物以其無廟故唯薦而已薦獻不可衰處故知適寢也

王制

**匠人營國方九里旁三門**

營謂丈尺其大也天子十二門

通十二子疏曰案典命云上公九命國家宮室車旗衣服禮儀以九為節侯伯子男已下皆依命數鄭云國家謂城方公之城蓋方九里侯伯七里子男五里并文王有聲詩箋差之天子當十二里此云九里者案下文有夏殷則此九里通異代也鄭異義駁或云周亦九里城則公七里侯伯五里子男三里不取典命等注由鄭

兩解故義有異也疏備在典命也又曰云丈尺據高下而言云大小據遠近而說也云天子十二門以通十二子者案孝經援神契云天子即政置三公九卿二十七大夫八十一元士慎文命下各十二子如是甲乙丙丁之屬十日為母子丑寅卯等十二辰為子故王城而各三門以通十二子也

### 國中九經九緯

經涂九軌

國中城內也經緯謂涂也經緯之涂皆容方九軌謂轍廣乘車六尺六寸旁加七寸凡

八尺是為轍廣九軌積七十二尺則此涂十二步也旁加七寸者輻內二寸半輻廣三寸半總三分寸之二金轄之間三分寸之一轄胡轄反疏曰言九經九緯者南北之道為經東西之道為緯王城而有三門門有三重門子由右女子由左車從中央鄭云旁加七寸者輻內二寸半者計較在輻內九寸有餘今言輻內有二寸半者不加與下度數者也

### 左祖右社而朝後市

王宮所居也祖宗廟而猶鄉也王宮

當中經之涂也

鄉許亮反

疏曰言王宮所居也者

謂經左右前後者據王宮所居處中而言之故云王宮

所居也云王宮當中經之涂也者案祭義注云周尚左

桓二年取郕大鼎納於大廟何休云質家右宗廟尚親

親大家左宗廟尚尊尊義與此合案劉向別錄云路寢

在北堂之西社稷宗廟在路寢之西又云左明堂辟廱

右宗廟社稷皆不與

**市朝一夫**

市方各百步

疏曰案司

禮合鄭皆不從之矣

**市朝一夫**

市市有三期總于一市

之上為之若市總一夫之地則為大狹蓋市朝司次介

次所居之處與天子三朝皆居一夫之地各方百步也

**夏后氏世室堂修二七廣四修一**

世室者宗廟也魯廟有世室牲有白牡此

用先王之禮修南北之深也夏度以步今堂修十四步

其廣蓋以四分修之一則堂廣十七步半疏曰鄭云

此用先王之禮者世室用此經夏法白牡用殷法皆是

用先王之禮也云夏度以步者下文云三四步明此二

七是十四步也云今堂脩十四步者言假今以此堂云  
二七約之知用步無正文故鄭以假令言之也知堂廣  
十七步半者以南北為脩十四步四分之取十二步益  
三步為十五步餘二步益半步為二步半添前十五步  
是十七步半也

**五室三四步四三尺**

堂上為五室象五行也三  
四步室方也四三尺以益

廣也木室於東北火室於東南金室於西南水室於西  
北其方皆三步其廣益之以三尺土室於中央方四步  
其廣益之以四尺此五室居堂南北六丈東西七丈  
疏曰云五室象五行者以其宗廟制如明堂明堂之中  
有五天帝五人帝五人神之坐皆法五行故知五室象  
五行也東北之室言木東南之室言火西南之室言金  
西北之室言水五行先起東方故東北之室言木其  
實東北之室兼水矣東南之室兼木矣西南之室兼火  
矣西北之室兼金矣以其中央大室有四堂四角之室  
皆有堂故知義然也中央之室大一尺者以其在中號

為大室故多一尺也云此五室居堂南北六丈東西七丈者以其大室居中四角之室皆于大室外接四角為之大室四步四角室各三步則南北三室十步故六丈東西三室六丈外加四三尺又一丈故七丈也

九

階

南面三三而各二疏曰案賈馬諸家皆以為九等階鄭不從者以周殷差之夏人卑宮室當一尺之堂

為九等階於義不可故為旁九階也鄭知南面三階者見明堂位云三公中階之前北面東上諸侯之位阼階之東西面北上諸伯之國西階之西東面北上故知南面三階也知餘三面各二者大射禮云工人士與梓人升自北階又雜記云夫人至入自闈門升自側階奔喪云婦人奔喪升自東階以此而言四面有階可知

四

旁兩夾窻

窻助戶為明每室四戶八窻疏曰言四旁者五室室有四戶四戶之旁皆有兩夾窻則

五室二十戶

白盛

盛灰也盛之言成也以盛灰墁牆所以飾成宮室疏曰地官掌蜃掌供

四十窻也



白盛之屋則此屋反出自掌屋也云以屋反壁牆者爾雅云地謂之熟牆謂之墜墜即白屋墜之使壁白也

又鳥路反 門堂三之二 門堂門側之堂取數于正堂令

尺東西十一步四尺爾雅曰門側之堂謂之塾 疏曰鄭云今堂如上制者以上堂不言步故此注亦云令假

令如上制南北十四步東西十七步半今云三之二謂三分取二分以十四步取十二步三分之得八步二步

為丈二尺三分之得八尺以六尺為一步添前為九步餘二尺故云南北九步二尺也云東西十一步四尺者

十七步半以十五步得十步餘二步半為丈五尺三分之得一大以六尺為一步餘四尺添前為十一步四尺

也引爾雅門側之堂謂之塾者證此經門堂為塾之義也尚書顧命左塾右塾亦此類也 室三之一

兩室與門各居一分 疏曰此室即在門堂之上作之也言各居一分者謂兩室與門各居一分鄭不言尺數

義可知故畧而不言也

殷人重屋堂修七尋堂崇三尺四阿重屋

重直龍反 重屋者王宮正堂若大寢也其修七尋五丈六尺故夏周則其廣九尋七丈二尺也五室各二尋崇蒿也四阿若今四柱屋重屋復竿也 故方往反復音福竿側白反 疏曰云王宮正堂若大寢也者謂對燕寢側室非正故以此為正堂大寢也言故夏周者夏在殷前可得言故其周在殷後亦言故者此非謂殷人故周而為之鄭直據上文夏法下文周法言故猶言約夏周者也雖言故夏周經云堂修七尋則廣九尋若周言南北七筵則東西九筵是偏故周法而言故夏者七九偏據周夏后氏南北狹東西長亦是故之故得兼言故夏也云四阿者今四注屋者燕禮云設洗當東雷則此四阿四雷者也云重屋複竿也者若明堂位云復廟重檐鄭注云重檐重承壁材也則 周人明堂度九尺之此復竿亦重承壁材故謂之重屋

筵東西九筵南北七筵堂崇一筵五室凡室二筵

度直路反

威待洛反下同 明堂者明政教之堂周度以筵亦王者相政同堂高九尺殷三尺則夏一尺矣相參之數禹卑宮室謂此一尺之堂與此三者或舉宗廟或舉王寢或舉明堂互言之以明其同制 與音餘 疏曰此記人據周作說故其文備于周而畧于夏殷是以下文皆據周而說也以夏之世室其室皆東西廣於南北也周亦五室直言凡室二筵不言東西廣鄭亦不言東西蓋廣或五室皆方二筵與夏異制也若然殷人重屋亦直言堂修七尋不言室如鄭意以夏周皆有五室十二堂明殷亦五室十二堂云明堂者明政教之堂者以其於中聽朔故以政教言之明堂者明諸侯之尊卑孝經緯捷神契云得陽氣明明謂之明堂義大故所合理廣也云周度以筵亦王者相政者對夏度以步殷度以尋是王者相政也云周堂高九尺殷三尺則夏一尺矣者夏

無文以後代文而漸高則夏當一尺故云相參之數禹  
卑宮室謂此一尺之堂與言與者以無正文故言與以  
疑之也云此三者或舉宗廟或舉王寢或舉明堂互言  
之以明其同制者互言之者夏舉宗廟則王寢明堂亦  
與宗廟同制也殷舉王寢則宗廟明堂亦與王寢同制  
也周舉明堂則宗廟王寢亦與明堂制同也云其同制  
者謂當代三者其制同非謂三代制同也若然周人殯  
於西階之上王寢與明堂同則南北七筵惟有六十三  
尺三室居六筵南北共有一筵一而惟有四尺半何得  
容殯者案書傳云周人路寢南北七雉東西九雉室居  
二雉則三室之外南北各有半雉雉長三大則各有一  
丈五尺足容殯矣若然云同制者直制法同無妨大矣  
據周而言則夏殷王寢  
亦制同而大可知也

室中度以几堂上度以筵宮中

度以尋野度以步涂度以軌

周文者各因物宜為之數  
室中舉謂四壁之內疏

曰云周文者各因物宜為之數者對殷已上質夏度以步殷度以尋無異稱也因物宜者謂室中坐時馮几堂上行禮用廷宮中合院之內無几無筵故用手之尋也在野論里數皆以步故用步涂有三道車從中央故用車之軌是因物所宜也云室中舉謂四壁之內者對宮中是合院之內依爾雅宮猶室室猶宮者是散文宮室也

### 通廟門容大局七个

尺每局為一个七个二丈一尺

疏曰知大局半鼎之局長三尺者此約漢禮器制度

### 闔門容小局叁个

闔音韋割音暉廟

中之門曰闔小局脚鼎之局長二尺叁个六尺

疏曰

云廟中之門曰闔門者爾雅文此即雜記云夫人至入

自闔門是也云小局脚鼎之局長二尺者亦漢禮器制

度知之脚鼎亦半鼎但上牛鼎局長三尺據正鼎而言

此言脚鼎據陪鼎三脚

賾晚而說也冬官

### 室有東西廂曰廟無東西廂

有室曰寢

疏曰凡大室有東西廂夾室及前堂有序牆者曰廟但有女室者曰寢月令仲春云寢廟

畢備鄭注云前曰廟後曰寢以廟是接神之處尊故在前寢衣冠所藏之處對廟為卑故在後

廟中

路謂之唐堂途謂之陳

中唐有甃疏曰廟中之路名唐堂下至門徑名陳

閤謂之

門

詩曰祝祭於祊爾雅

守祧掌守先王先公之廟祧

注疏見下守藏

條若將祭祀其廟則有司脩除之其祧則守祧黜堊之

黜於糾反鄭音幽

廟祭此廟也祧祭遠王有司宗伯

也脩除黜堊互言之有司恒主脩除守祧恒主黜堊鄭

司農云黜讀為幽黑也堊白也爾雅曰地謂之黜牆謂

之堊疏曰云廟祭此廟也者凡廟舊皆脩除黜堊祭

更脩除黜堊示新之敬也今將祭而云脩除知祭此廟

也云祧祭遠主者以遠主藏於祧故也案上司尊彝有

追享鄭云追祭遠廟之主謂禱祈則此祭遠主之謂也  
云有司宗伯也者以其宗伯主立國祀又祫祫濯祫除  
亦是潔靜之事故知有司是宗伯為之云脩除黜堊互  
言之者鄭以二者廟祧並有而經廟直言脩除祧直言  
黜堊故互而通之明皆有也以鄭云有司恒主脩除祧  
亦脩除之字祧恒主黜堊廟亦黜堊之先鄭讀黜為幽  
幽是北方北方其色黑欲見地謂之幽取黑義也知堊  
是白者以其堊與幽黑白相對故知堊是白即掌蜃之  
白盛之蜃故引爾雅

證之周禮春官

### 隸僕掌五寢之掃除糞洒之事

掃素報反除如字劉直恕反洒所賣反五寢五廟之  
寢也周天子七廟唯祧無寢詩云寢廟翼翼相連貌也  
前曰廟後曰寢汜埽曰埽埽席前曰拊洒灑也鄭司農  
云洒當為灑玄謂論語曰子夏之門人當洒埽應對  
拊方問反灑所買反疏曰知周天子七廟唯祧之無  
寢者此云五寢下云小寢大寢不言祧之有寢明二祧

無寢也引詩云寢廟釋者欲見前廟後寢故云相連之貌也案爾雅釋宮云有東西廂曰廟無曰寢寢廟大况是同有廂無廂為異耳必須寢者祭在廟薦在寢故立之案昭十八年鄭災簡兵大蒐子大叔之廟在道南其寢在道北者彼廟不在宮中地隘故廟寢別處也云汜埽曰埽埽席前曰拊者謂埽地達近之異名又取論語者所以證經埽洒之事也五寢既隳僕埽除其廟案守祧注皆宗伯埽除

### 祭祀脩寢

祭於廟

或有事焉月令凡新物先薦寢廟疏曰祭祀則在廟可知復云脩寢者寢或有事不可不修治之也引月令薦寢廟者欲見寢有事彼薦只在寢不在廟連廟言者欲見是廟之寢非生人之寢故也周禮夏官

### 仲春乃脩闔扇寢廟畢備

因蟄蟲啓戶耕事少閒而治門戶也用木曰闔用竹葦曰

扇畢猶皆也凡廟前曰廟後曰寢疏曰案襄十八年左傳云晉州綽以枚數闔闔是齊城門而云闔是闔用



木也此扇與閭相對文又此文承耕者少舍謂庶人庶人輩門故以為竹竿曰扇云凡廟前曰廟後曰寢者廟是接神之處其處尊故在前寢衣冠所藏之處對廟為早故在後但廟側有東西廂有序牆寢制唯室而已故擇宮云室有東西廂曰廟無東西廂有室曰寢是也月令

有焚其先人之室則

三日哭

謂大燒其宗廟哭者哀情神之有虧傷壇弓下

右廟制 傳天子不卜處大廟

大音太後大廟同卜可建國之處

吉則宮廟吉可知疏曰建國之時揔卜其吉不特更卜處大廟所在以其吉可知表記

凡邑有宗廟先君之主曰都無曰邑邑曰築都曰

城

周禮四縣為都四井為邑然宗廟所在則雖邑曰都尊之也言凡邑則他築非例莊公二十

八年春秋  
左氏傳

子太叔之廟在道南其寢在道北

疏曰

廟當在宅內以其居狹隘故廟在道南寢在道北也寢即游吉所居宅也昭公十八年春秋左氏

傳

太廟天子明堂

言廟如天子之制也

疏曰

周公大廟制度高大如似天

子耳  
明堂位

山節藻梲復廟重檐刮楹達鄉反玷出

尊崇玷康圭疏屏天子之廟飾也

梲專悅反復音福重半聲檐以

占反刮古八反鄉許亮反玷丁念反康音抗又如字疏音殊山節刻構虛為山也藻梲畫侏儒柱

為藻文也復廟重屋也重檐重承壁材也刮刮摩也鄉牆屬謂夾戶牕也每室八憲為四達反玷反

爵之玷也出尊當尊南也唯兩君為好既獻反爵於其上禮君尊于兩楹之間崇高也康讀為亢龍

之亢又為高。高，亢所受。圭，莫于上。馬，屏謂之樹。今浮思也。刻之為雲氣蟲獸，如今闕上為之矣。闕，音博。又，皮麥反。一旁各反。徐，薄歷反。字林：平碧反。為好呼報反。疏曰：山節謂闕虛刻為山形，藻扈者謂侏儒柱畫為藻文也。復，廟者上下重屋也。重，樞者，皇氏云：鄭云：重，檐重承壁材也。謂就外檐下壁復安板，樞以辟風雨之灑。壁，故云：重檐重承壁材。刮，楹者，刮摩也。楹，柱也。以密石摩柱達，鄉者達通也。鄉，謂憲牖也。每室四戶，八憲。憲，戶皆相對以牖。戶通達，故曰達鄉也。反，站者，兩君相見反爵之站也。築土為之，在兩楹間。近南人君飲酒既獻，反爵於站上，故謂之反站也。出尊者尊在兩楹間，站在尊南，故云：出尊崇站。康，圭者，崇高也。亢，舉也。為高站，受賓之圭，舉於其上也。疏：屏者，疏刻也。屏，樹也。謂刻於屏樹為雲氣蟲獸也。天子之廟飾也者，自山節以下，皆天子廟飾也。反，站亦在廟，故合言。

廟飾也刻構虛也者節名構虛釋宮云扼謂之案  
李廵云扼今構虛也則今之斗拱云畫侏儒柱者  
案釋宮云宗廟謂之梁其上楹謂之枕李廵曰梁  
上短柱也云鄉牖屬者詩幽風塞向瑾戶是牖屬  
也云出尊當尊南也者以當近南迥露鸛外為出  
今言出尊故知尊南也云禮君尊于兩楹之間者  
以燕禮燕臣子列尊于東楹之西今兩君敵體當  
尊在兩楹之間故鄉飲酒賓主敵體尊于房戶間  
是也皇氏解此用燕禮之文尊于東楹之西為兩  
楹之間失之矣云康讀為亢龍之亢者案易乾上  
九亢龍有悔請從之云屏謂之樹今浮思也者屏  
謂之樹釋宮文漢時謂屏為浮思故云今浮思也  
者以為天子外屏人臣至屏俯伏思念其事案匠  
人注云城隅謂角浮思也漢時東闕浮思災以此  
諸文參之則浮思小樓也故城隅闕上皆有之然  
則屏上亦為屋以覆屏牆故稱屏曰浮思或解屏

則闕也古詩云雙闕百餘尺則闕於兩旁不得當道與屏別也闕雖在兩旁相對近道大畧言之亦謂之當道故識云代漢者當塗高謂魏闕也云刻之為雲氣蟲獸如今闕上為之矣皆言古之疏屏似今闕上畫雲氣蟲獸如鄭此

### 清廟茅屋

以茅飾屋

言似屏與闕異也明堂位

著儉也清廟肅然清淨之稱著張慮反稱尺證反疏曰冬官考工記有葺屋瓦屋則屋之覆蓋或草或瓦傳言清廟茅屋其屋必用茅也但用茅覆屋更無他文明堂位曰山節藻梲復廟重檐刮楹達鄉反玷出尊崇玷康圭疏屏天子之廟飾也其飾備物盡丈不應以茅為覆得有茅者杜云以茅飾屋著儉也以茅飾之而已非謂多用其茅摠為覆蓋猶童子垂髦及蔽膝之屬示其存古耳白虎通曰王者所以立宗廟何緣生以事死敬亡若存故以宗廟而事之此孝子之心也宗者尊也廟

者貌也象先祖之尊貌然則象尊之貌享祭之所  
嚴其舍宇簡其出入其處肅然清淨故稱清廟清  
廟者宗廟之大稱詩頌清廟者祀文王之歌故鄭  
玄以文王解之言天德清明文王象焉故稱清廟  
此則廣指諸廟非獨  
昭其儉也  
示儉 桓公二  
年春秋左氏傳

莊公二十三年秋丹桓宮楹穀梁子曰天子諸侯

黝堊

黝堊黑色也謂白堊而黑柱今范同以黝堊為黑色者

以此傳為丹楹而發何得白堊在其間故同為黑色也

大夫蒼士黻  
黻鞋黃色 丹

楹非禮也 莊公二十四年春刻桓宮桷穀梁子

曰天子之桷斲之鼈之加密石焉

以細石磨之

諸侯之

桷斲之礲之大夫斲之士斲本刻桷非正也

非正謂刻

桷丹楹也

莊公二

十四年春秋穀梁傳

國君下齊牛式宗廟

疏曰案齊

右職云凡有牲事則前馬注云王見牲則拱而式又引曲禮曰國君下宗廟式齊牛鄭注周官與此

文異者熊氏云此文誤當以周禮注為正宜云下宗廟式齊牛曲禮上

庶子之正

於公族者公若有出疆之政

謂朝覲會同也疏曰上云在軍謂庶子

之官從公出行此云公若出疆庶子不從公行在國掌其留守對上在軍故知此出疆是朝覲會同

非出軍也其庶子之官公有朝覲會同不從公行既掌留守公宮若征伐出軍庶子不從公行亦是

所掌留守之庶子以公族之無事者守於公宮正室守

大廟

守如字又手又反大音太廟大祖之廟適丁歷反正室適子也大

以公族之無事者守于公宮者與下文為總正室守大廟以下文各言其別無事謂不從行及無職

事者正室適子也者謂公卿大夫之適子也素公羊傳云周公稱太廟周公是魯之始祖故知其餘

諸侯太廟皆諸父守貴宮貴室謂守路寢疏曰太祖之廟也諸父守貴宮貴室以下云下宮上云

大廟此貴宮貴室既非大廟又非下宮下室唯當路寢也指其院宇謂之宮指其所居之處謂之室

爾雅云宮謂之室室謂之宮此貴宮貴室總據路寢皇氏云或俗本無貴宮者定本有貴宮諸

子諸孫守下宮下室

下宮親廟也下室燕寢或言或言廟通異語疏曰上

云大廟此云下宮除大廟之外惟有親廟高祖以下故云下宮親廟也上云貴室此又云下室故知



燕寢也云或言宮則下宮也或言廟則大廟也故  
春秋云立武宮明堂位云武公之廟武世室也是  
通異語也此云諸父及諸子諸孫者未審為是君  
之諸父及諸子孫之行為當是見任卿大夫者之  
諸父子孫也然鄭解正室適子不云世子則卿大  
夫之適子也既以正室為卿大夫之適子則諸父  
子孫亦謂卿大夫之諸父子孫也不云諸兄諸弟  
者蓋諸兄從諸父諸弟從子孫也文王世子

子貢觀於魯廟之北堂出而問孔子曰鄉者賜

觀於太廟之北堂吾亦未既輟還復瞻九蓋被皆

繼邪彼有說邪匠過絕邪

北堂神主所在也輟止也九當為北被當為彼

傳寫誤耳蓋音孟戶扇也皆繼謂其材未斷絕相接繼也子貢問北孟皆繼續彼有說邪匠過誤而

遂絕之也家語作還瞻北蓋皆斷焉彼有說邪  
匠過之也王肅注家語云觀北面之蓋皆斷絕也

孔子曰太廟之堂亦嘗有說

言舊曾說今則無也

官致良工

因麗節文

致極也官致良工謂方造太廟之時言極其良工良工則因致其木之美麗節

大而裁制之所以斷絕家語作官致良工之匠匠致良材盡其工巧蓋貴文也今案家語作蓋貴

久矣尚亦說也

非無良材也蓋曰貴文也

非無良材大木

不斷絕者蓋所以貴文飾也此蓋明夫子之博識也荀子宥坐

魯公之廟文

世室也武公之廟武世室也

此二廟象周有文王武王之廟也世室者

不毀之名也魯公伯禽也武公伯禽之玄孫也名教疏曰此一經明魯有二廟不毀象周之文武

二祧也。文世室者，魯公伯禽有文德，世世不毀其室。故云。大世室，武世室者，伯禽玄孫武公有武德，其廟不毀。故云。武世室，又曰，景成六年立武宮，公羊左氏並譏之，不宜立也。又武公之廟立，在武公卒後，其廟不毀，在成公之時。此記所云，美成王褒崇魯國而已。云武公之廟，武世室者，作記之人因成王褒魯，遂盛美魯家之事，因武公其廟不毀，遂連文而美之，非實辭也。故下云：君臣未嘗相弑，禮樂刑法政俗未嘗相變也。鄭云：亦近誣矣。是不實也。伯禽玄孫者，案世本，伯禽生煬，公熙，熙生弗弗，生獻，公具，具生武公，故是。

明堂位

文公十三年世室屋

壞公羊子曰：世室，魯公之廟也。

魯公周公子伯禽疏曰：解云，欲言

君寢於例，不書，欲言宗廟未  
有世室之名，故執不知問。

周公稱大廟，魯公稱

世室羣公稱宮

少差異其下者所以尊周公  
疏曰周公稱大廟者即僖八年禘

于大廟文二年大事于大廟是也魯公稱世室者  
即此經是也羣公稱宮者即武宮魯宮之屬是也  
又曰廟者尊卑達名鬼神所居之稱  
今此稱異其名知上尊周公故也 此魯公之廟

也曷為謂之世室世室猶宮室也世世不毀也

魯公

始封之君故不毀也  
疏曰周公何以稱大廟于  
謂之世室者猶言世世室也

魯

據魯公  
始封也

封魯公以為周公也

為周公故  
語在下

穀梁

子曰大室屋壞者有壞道也譏不修也大室猶世

室也

世世有是室故言世室  
疏曰傳有壞道也  
高者有崩道下者有壞道既言有壞道而書

之者幾不修也言魯若繕修之宜有敗壞之理故書以幾不敬也成五年梁山崩傳云高者有崩道山有崩道又不可繕修之物而亦書之者判人君無德而致天災令山崩河壅怪異之大故亦書之然山高稱崩屋下言壞而序稱禮壞樂崩釋云通言之者以禮樂無高下之殊故知通言之

公曰大廟

爾雅曰室有東西廂曰廟

伯禽曰大室羣公曰宮

爾雅

周

曰宮謂之室室謂之宮然則其實一也蓋尊伯禽而異其名疏曰此兩注所引並爾雅釋宮之言有東西廂者謂有夾室也傳知周公曰大廟伯禽曰大室羣公曰宮者禮記明堂位云季夏六月以禘禮祀周公于大廟哀三年桓宮僖宮災是周公稱大廟羣公稱宮此經別宮大室明是伯禽廟公羊傳為世室言世世不毀世與大室亦同耳

禮宗廟之事君親割

割牲

曰徐邈云禮記曰君執鸞刀而割牲是也然夫人彼據初殺牲之時非是割牲之事徐言非也

親春

春染盛也

敬之至也為社稷之主而先君之廟壞

極稱之志不敬也

極稱言屋壞不復依違其文入公羊穀梁通

成公

三年新宮災三日哭公羊子曰宣公之宮也

以無新宮

知宣公之宮廟疏曰正以春秋上下無新公宮則知此言新宮者正是其父宣公之宮以其至近

被災故謂之新宮災

易為謂之新宮不忍言也

親之精神所依而哭孝子

隱痛不忍正言也謂之新宮者因新入宮易其西北角示昭穆相繼代有所改更也疏曰三年喪

畢宣公神主新入廟故謂之新宮易其西北角者即穀梁傳云壞廟之道易檐可也是易其西北角

之擔也按爾雅釋宮云西北隅謂之屋漏疏引孫氏曰當室之白日光所漏入者與何氏別其

言三日哭何

據稱信宮哭不言三日哭疏曰注引桓信宮即下哀公三年夏辛卯桓

宮信宮哭是也

廟災三日哭禮也

善得禮痛傷鬼神無所依歸故君臣素縞哭之

疏曰即檀弓下曰有焚其先人之室則三日哭鄭氏云謂人燒其宗廟哭者哀精神之有虧傷故此注云善得禮痛傷鬼神無所歸依是也云故君臣素縞哭之者謂著素衣縞冠哭之穀

梁子曰三日哭哀也其哀禮也

宮廟親之神靈所馮居而遇災故以

哀哭為禮

迫近不敢稱謚恭也

迫近言親稱也桓信達祖則稱謚

其辭

恭且哀以成公為無譏矣

措之廟立之主曰帝

同之天神春秋傳曰凡君卒哭而

後卒哭竟而祔置于廟立主使神依之也白虎通云所以有主者神無依據孝子以繼心也主用木木有始終又與人相似也蓋記之以為題欲令後可知也方尺或曰尺二寸鄭云周以東漢書前方後圓五經異義云主狀正方穿中央達四方天子長尺二寸諸侯長一尺曰帝者天神曰帝今既此主同于天神故題稱帝云文帝武帝之類也崔靈思云古者帝王生死同稱生稱帝者死亦稱帝生稱王者死亦稱王今云措之廟立之主曰帝者蓋是為記時有主入廟稱帝之義記者錄以為法也凡君卒哭而祔祔而作主者此是左傳僖三十三年之言也天子七月而葬九月而卒哭諸侯五月而葬七月而卒哭大夫三月而葬五月而卒哭士三月而葬是月而卒哭卒哭者是葬竟虞數畢後之祭名也孝子親始死哭晝夜無時葬後虞竟乃行神事故卒其無時之



哭猶朝夕各一哭故謂其祭為卒哭卒哭明日而立主  
祔於廟隨其昭穆從祖父食卒哭主暫時祔廟畢更還  
殯宮至小祥作栗主入廟乃埋桑主于祖廟門左埋重  
處故鄭云虞而作主至祔奉以祔祖廟既事畢反之殯  
宮然大夫士亦卒哭而祔而左傳唯據人君有主者言  
之故云凡君鄭注祭法云大夫士無主也此言凡君明  
不闕大夫士也崔靈思云大夫士無主以帶帛祔祔竟  
並還殯宮至小祥而入廟也又檀弓云重主道也鄭注  
引公羊傳云虞主用桑練主用栗則似虞已有主而左  
傳云祔而作主二傳不同者案說公羊者朝葬日中則  
作虞主若鄭君以二傳之文雖異其意則同皆是虞祭  
總了然後作主以作主去虞實近故公羊上條之於虞  
作主謂之虞主又作主為祔所類故知左氏據祔而言  
故云祔而作主故吳義云古春秋左氏說既葬反虞天  
子九虞九虞者以柔日九虞十六日也諸侯七虞十二  
日也大夫五虞八日也士三虞四日也既虞然後祔死

者於先死者祔而作主為桑主也期年然後作栗主許慎謹案左氏說與禮記同鄭君不駁明同許意故注檀弓云重既虞而埋之乃後作主是總行虞祭竟乃埋重作主耳下檀弓云虞而立尸有几筵卒哭而諱生事畢而鬼事始已既卒哭宰夫執本鉶以命于宮中曰舍故而諱新鄭云故謂高祖之父當逮者據檀弓文句相連鄭以為人君之禮明虞唯立尸未作主也曲禮下

七廟五廟無虛主虛主者

唯天子崩諸侯薨與去其國與祫祭於祖為無主天子

崩國君薨則祝取羣廟之主而藏諸祖廟卒哭成事而

後主各反其廟

藏諸主於祖廟象有凶事者聚也卒哭成事先祔之祭名也疏曰云象有凶

事者聚也者此實凶事而云象者以凶事生人自聚今主亦集聚似生人之聚故云象也云卒哭成事先祔之

祭名也者。檀弓云：卒哭曰成事，謂漸成吉事。檀弓又曰：明日祔于祖，是卒哭之事在祔祭之前。鄭必云先祔之，祭名者以卒哭主各反其廟者為明日祔時。須以新死者祔祭于祖，故祖主先反廟也。君去其國。

### 大宰取羣廟之主以從

鬼神依人者也。從才用反。

祫祭於祖則祝

### 迎四廟之主

祝接神者也。之所掌之事故祝迎。

疏曰：以其祫祭於祖，是祝迎四廟之主。若去其國，

非祭祀之事，故大宰取羣廟之主以從鬼神依人故也。祫祭於祖則迎四廟之主。祝主接神故迎之也。祫合祭祖，大祖三年一祫，謂當祫之年則祝迎高曾祖禰四主而于大祖廟祭之。天子祫祭則迎六廟之主。今言迎四廟者，舉諸侯言也。

### 主出廟入廟必蹕

蹕音畢。蹕，止行也。疏曰：主謂木主羣廟之主也。

主天子一尺二寸，諸侯一尺，出廟者謂出已廟而往大祖廟入廟，謂從大祖廟而反還入已廟。若在廟院之外，

當主出入之時必須蹕止行人若王人大祖廟中則不可須蹕也似歷於尊者也若有喪及去國無蹕禮也

問 曾子

### 小史掌邦國之志奠繫世辨昭穆若有事則詔

王之忌諱

鄭司農云志謂記也春秋傳所謂周志國語所謂鄭書之屬是也史官主書故韓宣子聘

于魯觀書太史氏繫世謂帝繫世本之屬是也小史主定之替矇諷誦之先王死日為忌名為諱故書奠為帝杜子春云帝當為奠奠讀為定書帝亦或為奠玄謂玉有事祈祭於其廟疏曰小史掌邦國之志者邦國連

言據諸侯志者記也諸侯國內所有記錄之事皆掌之云奠繫世者謂定帝繫世本云辨昭穆者帝繫世本之上皆有昭穆親疏故須辨之云若有事者謂在廟中有祈祭之事云則詔王之忌諱者謂小史告王以先王之忌諱也又曰古者記識物為志春秋傳所謂周志者皆是左氏傳殷之役晉襄公縛秦囚萊駒失戈狼睥取戈

斬因遂為車右箕之役先軫黜之而立靖簡伯其友曰  
盍死之諱曰吾未獲死所其友曰吾與汝為難諱曰周  
志有之勇則害上不登于明堂引之者證志為記職之  
義也引韓宣子者案昭公二年左氏傳晉韓起來聘觀  
書于大史氏見易象與魯春秋引之者證史官掌邦國  
之志此小史掌志引大史證之者大史史官之長共其  
事故也云繫世謂帝繫世本之屬是也者天子謂之帝  
繫諸侯謂之世本云替睽諷誦之者案替睽職云掌諷  
誦詩世莫繫鼓琴瑟是也云先王死日為  
忌名為諱者告王當避此二事 春官

### 守祧掌守

先王先公之廟祧其遺衣服藏焉

祧他彫反廟謂太祖之廟及三昭三穆遷

主所藏曰祧先公之遷主藏于后稷之廟先王之遷主藏于文武之廟遺衣服大斂之餘也故書祧作濯鄭司農濯讀為祧此王者之宮而有先公謂大王以前為諸侯疏曰云廟為太祖之廟及三昭三穆者王制云大

子七廟三昭三穆與太祖之廟而七又祭法云王立七廟曰考廟曰王考廟曰皇考廟曰顯考廟曰祖考廟皆月祭之有二祧享嘗乃止據周而言是知廟祧中有三昭三穆與太祖之廟也云遷主所藏曰祧者以祭法云遷廟為祧去祧為壇既言去祧為壇明遷主先入祧乃至壇耳故知祧是遷主所藏云先公之遷主藏于后稷之廟者先公謂諸豷已前不追謚為王者先公之主不可下入子孫廟故知向上入后稷廟案聘禮云不腆先君之祧既拊以俟諸侯無二祧先祖之主皆藏于太祖廟故名祧若然后稷廟藏先公不名祧者以有大祖廟名又文武已名祧故后稷不名祧也若然大王王季之主不可入大武祧亦當藏于后稷廟也云先王之遷主藏于文武之廟者當周公制禮之時文武在親廟四之內未毀不得為祧然文武雖未為祧已立其廟至後子孫文武應遠而不遠乃為祧也其立廟之法后稷廟在中央當昭者處東當穆者處西皆別為宮院者也案孔

若王肅之義二祧乃是高祖之父高祖之祖與親廟四皆次第而遷文武為祖宗不毀矣鄭不熊者以其守祧有奄八人守七廟并姜嫄廟則足矣若蓋二祧則十廟矣奄八人何以配之明其義非也云遺衣服大斂之餘也者案士喪禮云小斂十九稱不必盡服則小斂亦有餘衣必知據大斂之餘者小斂之餘至大斂更用之大斂餘乃留之故知此遺衣服無小斂餘也先鄭云此王者之宮而有先公謂大王以前為諸侯者謂不窋已後諸盤已前為諸侯者后稷雖不謚為王以其為始祖故祫祭在焉從先王例也

### 若將祭祀則各

### 以其服授尸

尸當服卒者之上服以象生時疏曰尸服卒者之上服士虞記文鄭引之者欲見

天子已下凡尸皆服死者大斂之遺衣其不服者以為奠衣服者故鄭云象生也既言卒者上服則先王之尸服衾冕先公之尸服鷩冕也若熊士爵弁以助祭祭宗廟服玄端而士虞特牲尸不服爵弁者爵弁是助祭諸

侯廟中乃服之士尸還。在士廟故尸還服玄端為上服也。曾子問云尸弁冕而出。卿大夫士皆下之。注云弁冕者君之先祖或有為大夫士者則是先君之先祖為士尸服卒者上服不。服玄端而服爵弁者爵弁本以助祭在君廟君先祖雖為士今為尸還。在君廟中故服爵弁不。服玄端。既祭則藏其隋與其

服

隋徐徒果反舊許規反注許志反相志反鄭司農云隋謂神前所沃濯器名玄謂隋尸所祭肺脊黍稷

之屬藏之以依神疏曰素特牲少牢及曾子問皆有墮祭之事今先鄭以隋為神前沃濯器故後鄭不從也玄謂隋尸所祭肺脊黍稷之屬者素特牲禮祝命接祭尸取菹摺于醢祭于豆間佐食取黍稷肺祭授尸尸祭之注云肺祭扞肺是其隋者彼不言脊似誤所以誤有脊者特牲禮云佐食與肺脊以授尸尸受振祭嚼之是以于此誤有脊但彼是尸食而舉者故有脊此隋祭不合有也云藏之以依神者此義與祭地理之同故云依



神也  
同上

# 天府掌祖廟之守藏與其禁令

守藏又反藏  
才浪反祖

廟始祖后稷之廟其寶物世傳守之若魯寶王大弓者  
疏曰所守藏者即下文玉鎮已下是也禁令謂禁守  
不得使人妄入之等也又曰素王制云天子七廟三昭  
三穆與太祖之廟而七大祖即始祖廟也周立后稷廟  
為始祖祖以其最尊故寶物藏焉云其寶物世傳守之若  
魯寶王大弓者案春秋定八年盜竊寶王大弓公羊傳  
云寶者何璋判白弓  
繡質是世傳守者也  
凡國之玉鎮大寶器藏焉若有太

## 祭則出而陳之既事藏之

玉鎮大寶器玉瑞玉器之美  
者稀洽陳之以華國也故書

鎮作琕鄭司農云琕讀為鎮  
稀大計反後同疏曰  
云玉鎮大寶器藏焉者若典瑞掌其凡瑞器故典瑞云  
掌玉瑞玉器之藏辨其名物與其用事設其服飾其美  
者天府掌之又曰鄭知玉鎮大寶器是玉瑞玉器之美

者此云玉鎮即大宗伯云以玉作六瑞鎮圭之屬即此  
實鎮也彼又云以玉作六器蒼璧禮天之屬即此寶器  
也知是美者以列入此天府故知簡取美者  
來入也鄭知帝洽者經云大祭祀故知也

### 上春釁寶

### 鎮及寶器

上春孟春也釁謂殺牲以血血之鄭司農云  
釁讀為蔽或曰釁鼓之釁疏曰云上春孟

春也者謂建寅之月也殺牲取血釁之若月令上春釁  
龜策等也云釁讀為蔽者周禮先鄭皆讀釁為蔽蔽取  
飾義云或曰釁鼓之釁者讀從定四年祝佗  
云君以軍行祓社釁鼓釁皆以血血之也

### 若遷寶則

### 奉之

奉猶送也疏曰此遷寶謂王者遷都若平王東  
遷則寶亦遷天府奉送之於彼新廟之天府藏之

如故也

同上

### 庶子之正於公族者

正者政也庶子司馬之  
屬掌國子之倅為政於

公族者  
倅七對反

### 其在軍則守於公禰

謂從軍者公禰行主也  
行以遷主言禰在外親

也疏曰此一節明庶子從行在軍之事則守於公稱者公稱謂違主哉在齊車隨公行者也庶子官既從在軍故守於公齊車之行主也行主是違主而呼為稱者既在國外欲依親親之辭文王世子

### 右守藏 記凡君薨卒哭而祔祔而作主持祀於

寢

既葬反虞則免喪故曰卒哭哭止也以新死者之神祔之于祖之柩已達孝子思慕故造木主

立几筵焉特用喪禮祭祀於寢不同之於宗廟言凡君者謂諸侯以上不通於卿大夫上時掌反

疏曰釋例云此諸侯之禮故稱君君既葬反虞則免喪故曰卒哭哭止也以新死者之神祔之于

祖尸柩既已達矣神形又不可得而見矣孝子之思彌篤傍徨求索不知所至故造木主立几筵特用喪禮祭祀於寢不同之於宗廟宗廟則復用四時燕嘗之禮也三年喪畢致新死者之主以進于

廟廟之達主當遽入祧於是乃大祭於大廟以審  
定昭穆謂之禘此皆自諸侯上達天子之制也其  
意與此注同文少詳耳劉炫云既言作主非禮因  
言作主祭祀吉凶之節凡諸侯之薨葬日而虞從  
是以後間日一虞七虞之後明日而為卒哭之祭  
卒哭之明日而作祔祭以新死之神祔于祖父於  
此祔祭而作木主以依神其主在寢特用喪禮祭  
祀于在寢之主其四時常祭約祠烝嘗及三年喪  
畢為大祀禘祭並行之於廟正禮當如是耳今以  
葬僖公後積十月始作僖公木主是作主大緩故  
為非禮也又曰擅弓曰既封有司以几筵舍奠於  
墓左反日中而虞葬日虞弗忍一日離也雜記曰  
士三虞大夫五諸侯七士虞記曰始虞用柔日再  
虞皆如初三乃卒哭用剛日如士虞之禮諸侯七  
虞其六虞用柔日最後虞改用剛日開一日乃卒  
哭卒哭亦用剛日則諸侯卒哭在葬後十四日也

熊始免喪與葬不得相違共在一月之內故杜每云既葬卒哭哀麻除是其不甚相遠然喪事先遠日則葬在月半之後葬後行虞虞後卒哭所以得同月者但卜葬雖先遠日但葬是喪之大事又有虞祔之祭當應及早為之使得容其虞祔禮云喪事先遠日謂祔祥禭除之屬晉平公之喪大夫欲見新君王與文伯晏稱以魯壺皆為既葬之後未卒哭之前雜記曰天子七月而葬九月而卒哭諸侯五月而葬七月而卒哭釋例云禮記後人所作不與春秋同是七虞九虞杜亦不用或云杜亦同之解云此注七虞則免喪者謂七虞皆畢乃免喪免喪後曰為卒哭也理亦通耳禮記曰葬日虞是日也以虞易奠卒哭曰成事是日也以吉祭易喪祭是葬前奠而不祭至虞乃為喪祭卒哭乃為吉祭也自初死至於卒哭晝夜哭無時謂之卒哭者卒此無時之哭自此之後唯朝夕哭耳天子諸侯

則于凡除喪全不復哭也。擗弓于卒哭之下云。明日祔於祖父。士虞記亦云。卒哭明日以其班祔。是以新死之神祔之于祖也。于此之時。葬已多日。尸既已遠矣。孝子思慕彌篤。傍徨不知所以。故造木主立几筵。以依神也。作主致之於寢。特用喪祭之禮祭之。於寢不同祭之於宗廟也。大夫以上不得擗。若此言。凡君者謂諸侯之上耳。不得通于卿大夫也。文二年公羊傳曰。主者曷用虞主。用桑練主。用栗。鄭玄注。禮用公羊之說。而為虞已有主。此傳擗祔而作主。九虞而作主。禮本無文。不可以公羊而疑也。**烝嘗禘於廟**。冬祭曰烝。秋祭曰嘗。新主既左氏也。已時祀于寢。則宗廟四時常祀自如舊也。三年禮畢。又大禘。乃皆司於吉。疏曰。周禮禮記諸文皆有之也。新主既持祀于寢。則其餘宗廟四時常祀自如舊不廢也。三年喪畢。新主入廟。廟之遠主當遠入。祧乃為大祭於大廟。以

審昭穆謂之禘於是新死者乃得同於吉也釋例曰舊託以為諸侯喪三年之後乃烝書烝傳襄公十五年冬十一月晉侯周卒十六年春葬晉悼公改服修宮烝于曲沃會于溴梁其冬穆叔如晉且言齊故晉人荅以寡君之未禘祀其後晉人微朝于鄭鄭公孫僑云溴梁之明年公孫夏從寡君以朝于君見于嘗耐與執膳焉此春秋之明證也是言知諸侯卒哭以後時祭不廢之事也釋例又曰凡三年喪畢然後禘於是遂以三年為節仍計除喪即吉之月十日而後行事無復常月也是以經書禘及大事傳唯見莊公之速他無非時之譏也如例所言除喪即吉禘遂以三年為常則新君即位二年而禘五年又禘八年又禘僖八年禘于大廟宣八年有事于大廟定八年從祀先公皆得三年之常期也案元年夫人姜氏薨當以三年喪畢而禘再經三年則九年乃可禘耳而得八年禘者

哀姜喪畢不為作禘八年因禘祭乃致之故計閔公之喪數之耳昭十五年有事于武宮計非禘年而為禘者釋例曰禘于大廟禮之常也各于其宮時之為也雖非三年大祭而書禘用禘禮也昭二十五年傳曰將禘於襄公亦其義也三年之禘自國之常常事不書故唯書此數事祭雖得常亦記仲遂叔弓之非常也如杜此言昭十五年雖非禘年用禘禮故稱禘也鄭玄解禮三年一禘五年一禘杜解左傳都不言禘者以左傳無禘語則禘禘正是一祭故杜以審諦昭穆謂之為禘明其更無禘也古禮多亡未知孰是且使禮傳各從其家而為之說耳劉炫云以正經無禘文也唯禮記毛詩有禘字耳釋天云禘大祭也則祭無大于禘者若禘大于禘禘焉得稱大于禘三十三春秋左傳氏

傳文公二年春王二月丁丑作僖公主

主者殷人



以柏周人以栗三年喪終則遷入于廟疏曰主所用木經無正文公羊傳曰主者曷用虞主用桑棘主用栗左傳唯言祔而作主主一而已非虞棘再作公羊之言不可通于此也論語哀公問社于宰我宰我對曰夏后氏以松殷人以柏周人以栗先儒舊解或有以爲宗廟主者故社依用之案古論語及孔鄭皆以爲社主社爲木主者古論不行於世且社主周禮謂之旧主無單稱主者以張包周等並爲廟主故社所依用劉公羊子曰作僖公炫就此以規社過未爲得也

### 主者何爲僖公作主也

爲僖公廟作主也主狀正方穿中央達四方天子長

尺二寸諸侯長一尺疏曰欲言是禮書而譏之欲言非禮禮有作主之事故執不知問又曰主狀正方穿中央達四方天子長尺二寸諸侯長一尺者皆孝經說文也卿大夫以下正禮無主故不言

之云云之說  
備在左氏

### 主者曷用虞主用桑

禮平明而葬日  
中而反虞以陽

求陰謂之虞者親喪以下壙皇皇無所親求而虞  
事之虞猶安神也用桑者取其名與其麗猶所以  
副孝子之心禮虞祭天子九諸侯七卿大夫五士  
三其冀處猶吉祭疏曰禮平明而葬日中而反  
虞者出檀弓與士虞記也言以陽求陰者謂以日  
中求神是也而鄭注士虞記云朝葬而日中虞君  
子舉事必用辰正也者兩相須也彼鄭氏又云再  
虞三虞皆質明則日中而反虞者指葬日言之自  
諸侯七以下雜記文其天子九虞者何氏差之耳  
異義左氏說亦有成文云云之說具左氏傳疏  
**練主用栗**謂期年練祭也埋虞主于兩階之間易  
栗松猶容也想見其容貌而事之主人正之意也  
栢猶迫也親而不達主地正之意也栗猶戰栗謹

敬貌主天正之意也禮記虞記曰桑主不文吉主  
皆刻而誼之蓋為禘祫時別昭穆也虞主三代同  
者意高麗猶未暇別也疏曰注謂期年練祭也  
理虞主于兩階之間易用栗也者出禮記文夏后  
氏以松楸人以柏周人以栗者出論語也而鄭氏  
注云謂社主以古文論語哀公問社于宰我故也  
今文論語無社字是以何氏以為廟主耳禮作社  
主當以十三月者即禮記云十三月而練是也

用栗者藏主也

藏于廟室中常所當奉事也質家藏于堂

作僖公主何

以書

據作餘公主不書

譏不時也其不時奈何欲久喪而

後不能也

禮作練主當以十三月文公亂聖人制欲服喪三十六月十九月作練主又不

能卒竟故以二十五月也日者重失禮鬼神  
曰日者重失禮鬼神即隱五年注云失禮鬼神  
例疏

日是也

穀梁子曰立主喪主於虞

禮半旦而葬日中反而祭謂之

曰虞其主用桑

吉主於練

期而小祥其主用栗

作僖公主譏其後也

傳公亮至此已十五日

作主壞廟有時日於練焉壞廟壞廟

之道易擔可也改塗可也

禮親過高祖則毀其廟以次而遷將納新神故

示有所加

疏曰

案莊公之喪已二十二月仍讖其為吉禘今方缺而作主猶是凶服而曰吉主者

三年之喪至二十五月猶未合全吉故公子遂有納幣之譏莊公喪制未二十五月而禘祭故譏其

為吉此言吉者此之虞主故為吉也此雖為缺作之主終入廟以輯昭穆故傳以吉言之然作主在

十三月壞廟在三年喪終而傳連言之者此主終入廟入廟即易擔以事相繼故連言之非謂作主

壞廟同時也或以為練而作主之時則易撻改塗  
故此傳云於練壞廟於傳文雖順舊說不然故不  
從之直說異文耳虞信引衛次仲云宗廟主皆用  
栗右主八寸左主七寸廣厚三寸若祭訖則內于  
西壁瑱中去地一尺六寸右主謂父也左主謂母  
也何休徐邈並與范注同云天子尺二寸諸侯一  
尺狀正方穿中夾達四方是與衛氏異也其藏之  
也白虎通亦云藏之西壁則納之西壁中或如衛  
說去地高下則無文以明之何休又云謂之虞者  
親喪已入塋皇皇無所見求而虞事之虞猶安也  
虞主用桑者桑猶喪也取其名與其虞猶所以副  
孝子之心練主用栗者謂既埋虞主於兩階之間  
易用栗木為主取其戰栗故用栗木為主又引士  
虞記曰桑主不文吉主皆刻而誼之蓋為辟時別  
昭穆也徐邈注穀梁盡與之同范亦  
當不異也春秋公羊穀梁傳通修人

曾子問曰

喪有二孤廟有二主禮與

有之

孔子曰天無二日

土無二王嘗禘郊社尊無二上未知其為禮也

喻尊

卑也神雖多猶一一祭之疏曰尊喻卑也者尊謂天無二日土無二王嘗禘郊社尊無二上卑謂喪有二孤廟有二主喻明也尊者尚不可二明卑者不二可知也舉尊以明卑故云尊喻卑也云神雖多猶一一祭之者解嘗禘郊社尊無二上之意以嘗禘之時雖衆神並在猶先尊後卑一一祭之不一時總祭故云尊無二上也昔者齊桓公亟舉兵作僞主以行

及反藏諸祖廟廟有二主自桓公始也

僞有假也舉兵以違

廟主行無則主命為假主非也疏曰昔者齊桓公亟舉兵作僞主以行者此說二主之由桓公名

小白作霸主亟數也偽假也言作假主以行而反  
藏於祖廟故有二主也舉兵為南伐楚北伐山戎  
西伐北狄故云數  
舉兵也 曾子問 文公二年八月丁卯大事于

# 大廟躋僖公

躋于兮反 大事禘也躋升也僖公  
閔公庶兄繼閔而立廟坐宜次閔下

今升在閔上故書而譏之時未應吉禘而于大廟  
行之其譏已明徒以逆祀故特大其事異其文  
坐才卧反又如字 疏曰昭十五年有事于武宮  
傳稱禘于武宮有事是禘則知大事亦是禘也躋  
升也釋詁文公羊傳曰躋者何升也禘祭之禮審  
諦昭穆諸廟已毀未毀之主皆于大祖廟中以昭  
穆為次序父為昭子為穆大祖東向昭南向穆北  
向孫從王父以次而下祭畢則從其廟其兄弟相  
代則昭穆同班近據春秋以來惠公與莊公當同  
南面西向隱桓與閔僖亦同北面西上僖是閔之

庶兄繼閔而立昭穆雖同位次閔下今升在閔上  
故書而譏之僖公以其三十三年十一月薨至此  
年十一月喪服始畢今始八月時未應吉禘而于  
大廟行之與閔公二年吉禘于莊公其違禮同也  
彼書吉禘其譏已明則此亦從譏可知不復更譏  
其速也徒猶空也空以逆祀之故亂國大典故特  
大其事謂之大事譏逆祀也釋例曰文公二年僖  
公之喪未終未應行吉禘之禮而於大廟行之其  
譏已明徒以躋僖而退閔故特大其事異其文定  
八年亦特書順祀皆所以起非常也有事于武宮  
及順祀傳皆稱禘則知大

左氏曰逆祀也

僖是閔兄

不得為父子嘗為臣位應在下今居閔上故曰逆  
祀今力呈反閔上時掌反一本無上字疏曰  
禮父子異昭穆兄弟昭穆同故僖閔不得為父子  
同為穆耳當閔在僖上今升僖先閔故云逆祀二



公位次之逆非昭穆亂也魯語云將躋僖公宗有  
司曰非昭穆也弗忌曰我為宗伯明者為昭其次  
為穆何常之有如彼所言似閔僖異昭穆者位次  
之逆如昭穆之亂假昭穆以言之非謂異昭穆也  
若兄弟相代即異昭穆設令兄弟四人皆立為君  
則祖父之廟即已從毀如其理必不然故先儒無  
作此說

於是夏父弗忌為宗伯

夏戶惟反宗伯掌宗廟昭穆之禮

昭上逆反昭穆之例倣此疏曰周禮大宗伯掌建邦之天神人鬼地祇之禮小宗伯掌建國之神位辨廟祫之昭穆諸侯之官所掌亦當然也尊僖公且明見曰吾見新

鬼大故鬼小

新鬼僖公既為兄死時年又長故鬼閔公元時年少弗忌明言其所見

長丁央反少詩照反疏曰且明言所見尊崇僖公且明言其意之所見見其順大小升聖賢也劉

炫以為直據兄弟大小為義不須云死之長幼以規杜氏今刪定知不然者以傳云新鬼大故鬼小則大小之語摠該諸事非直獨據兄弟明知亦據平時也

先大後小順也躋聖

賢明也

又以僖公為聖賢

明順禮也君子以為失禮禮無

不順祀國之大事也而逆之可謂禮乎子雖齊聖

不先父食久矣

先悉薦反下不先同繼君猶子繼父

疏曰傳者評論

皆託之君子此下盡先姑以來皆是一君子之辭耳引詩二文於詩之下各言君子者君子謂作詩之人此論事君子又引彼作詩君子以為證耳僖公薨後始作魯頌為傳之時乃設此辭非當時君子有此言也弗忌之意以先大後小為順故言明順禮也君子之意以臣不先君為順故云禮無不

順各言其順順不同也魯語展禽云夏父弗忌必  
有天殃其葬也焚煙達于上孔晁云已葬而柩焚

烟達

故禹不先鯀湯不先契

鯀古本反契息列反  
鯀禹父契湯十三

擲外

世祖

疏曰鯀禹父夏本紀文也契湯十三世祖

殷本紀文契生昭明昭明生相土相土生昌若昌

若生曹圉曹圉生冥冥生振振生微微生報丁報

丁生報乙報乙生報丙報丙生主壬主壬生主祭

主癸生天乙天乙即湯也下注云不窋后稷子周

本紀文服虔云周家祖后稷以配天明不可先也

故言不先不窋禹湯異代之王故言不先鯀契也

然則文武大聖后稷賢耳非是不可先也下句引

詩皇祖后稷不欲重文武不先不窋窋知律反

文故舉不窋以辟之

宋祖帝乙鄭祖厲王猶上祖也

帝乙微子父厲王  
鄭桓公父二國不

以帝乙厲王不肖而猶尊尚之 肖悉召反 疏  
曰帝乙微子父宋世家文厲王鄭桓公父鄭世家  
文微子桓公宋鄭始祖也言宋祖帝乙鄭祖厲王  
則二國立其廟而祖祀之微子不先帝乙桓公不  
先厲王猶上祖也言不以不肖猶尊尚之也宋為  
王者之後得祀殷之先王帝乙之廟不毀者蓋以  
為其所出故特存焉周制王子有功德出封者得  
廟祀所出之王魯以周公之故得立文王之廟襄  
十二年傳稱魯為諸姬臨于周廟周廟文王廟也  
鄭之桓武世有大功故得立厲王之廟昭十八年  
傳稱鄭人殺火使祝史徙主 是以魯頌曰春秋匪  
祐於周廟周廟厲王廟也

解享祀不忒皇皇后帝皇祖后稷

解佳賣反忒他得反忒差也

皇皇美也后帝天也詩頌僖公郊祭上天配以后  
稷 疏曰魯頌閟宮之篇美僖公之德也上皇皇

為美下皇為君言僖公春秋祭祀非有懈倦其所  
享祀不有差忒所祀之神有皇皇之美者為君之  
上天配之以  
君祖后稷也 君子曰禮謂其后稷親而先帝也  
稱先

也 詩曰問我諸姑遂及伯姊  
帝詩 邶風也 衛女思歸 而不得故願致問於

姑姊  
姑姊 邶音佩 君子曰禮謂其姊親而先姑也  
傳親文公 父夏父弗

忌欲阿時君先其所親故  
傳以此二詩深責其意 仲尼曰臧文仲其不仁

者三不知者三下展禽  
知魯智下同 展禽柳下 患也 丈仲知柳下患之賢

而使在下位已欲立而立人  
疏曰魯臣多矣而 獨譏文仲者執國之政有大知之名為不知之事  
故持譏之其餘則不足責矣  
論語稱仁者愛人知 者不惑故以害于物者為不仁 闇于事者為不知

卑下養禽而不肖舉薦廢去六闕而不設防禁妄  
織滿席而與民爭利此三事爲不仁也無其位而  
作虛器不知禮而縱逆祀不識鳥而祀爰居此三  
事爲不知也又曰論語云臧文仲其竊位者與知  
抑下惠之賢而不與立也又曰仁者已欲立  
而立人知賢不舉是無恕心故爲不仁也

### 廢六

### 關

塞關陽關之屬凡六關所以禁絕末遊而廢之  
塞悉再反疏曰昭五年傳稱孟丙仲士之

子殺豎牛于塞關之外襄十七年傳稱師自陽關  
逆臧孫二關見於傳如此之屬凡有六也民以田  
農爲本商賈爲末農民力以自食商民遊以求食  
漢書賈誼說上曰今歐民而歸之農皆著其本各  
食其力末伎遊食之民轉而緣南畝則蓄積足矣  
杜稱末遊者謂此末伎遊食之民也周禮司關司  
貨賄之出入掌其治禁是所以禁絕末遊者令其  
出入有度今而廢之使末遊之人無所禁約損害

農民是不仁也 今案家語作置六闕王注云六闕闕名魯本無此闕文仲置之以稅行者故為不

仁傳曰廢六闕非也 妄織蒲三不仁也 家人販席與此不同未知孰是 言其與民

爭利 販甫萬反 疏曰家語說此事作妄織席知織蒲是為席以販賣之也大學云食祿之家不

與民爭利故以此為不仁也 作虛器 謂居蔡山節藻稅也有其器而無其位故曰虛稅

章悅反 疏曰論語云子曰臧氏仲居蔡山節藻稅何如其知也鄭玄云節柄也刻之為山稅梁上

樞也畫以藻文蔡謂國君之守龜山節藻稅天子之廟飾皆非文仲所當有之有其器而無其位故

曰虛若子下不階上其 縱逆紀 聽夏父祀爰居三居奢如此是不知也 躋僖公祀爰居三

不知也 海鳥曰爰居止于魯東門外文仲以為神命國人祀之爰居爾雅一名雜縣樊光云

似鳳皇居事見國語莊子云魯侯御而觴之於廟疏曰魯語云海鳥曰爰居止於魯東門之外

三日臧文仲命國人祭之展禽曰趙哉臧孫之為政也夫祀國之大節也節政之所成也故制祭祀以為國典今無故而加典非政之宜也今海鳥至已不知而祀之以為國典難以言仁且知矣無功而祀之非仁也弗知而不問非知也今茲海其有災乎夫廣川之鳥獸皆知辟其災是歲海多大風冬煖

國語曰夏父弗忌為宗

弗忌魯大夫夏父展之後也宗宗伯掌國

祭祀之禮

烝將躋僖公

躋升也賈侍中云烝進也謂夏父弗忌進言於公將升僖公於

閔公上也唐尚書云烝祭也昭謂此魯文公三年喪畢禘祭先君于太廟升羣廟之主序昭穆之時也經曰八月丁卯大事于太廟躋僖公是也僖閔之兄繼閔而立凡祭秋曰嘗冬曰烝此八月而言



烝用烝禮也凡四時之祭烝為備傳曰大事者裕祭也毀廟之主陳于太祖未毀廟之主皆升合食于太祖躋僖公逆祀也

宗有司曰非昭穆

宗有司

逆祀者先禍而後祖也事臣也非昭穆謂非昭穆之次也父為昭子為穆僖為閔臣臣子一例而升閔上故曰非昭穆也

曰我為宗伯明者為昭其次為穆何常之有

明言

明德當為昭閔次之當為穆也

有司曰夫宗廟之有昭穆也以次

世之長幼而等胄之親疏也

長幼先後也等齊也胄裔也

夫祀

昭孝也

昭明也明孝道也

各致齊敬於其皇祖昭孝之至

也

皇大

故工史書世

工替師官也史太史也世世次先後也工誦其德史書其

言宗祝書昭穆

宗宗伯祝太祝也宗字其禮祝掌其位

猶恐其踰也

今將先明而後祖

以倍為明而升之是先稱而後祖

自玄王以及

主癸莫若湯

玄王契也主癸湯父也

自稷以及王季莫若文

武

稷棄也王季文王父

商周之烝也未嘗躋湯與文武為不

踰也

不使相踰

魯未若商周而改其常無乃不可乎弗

聽遂躋之展禽曰夏父弗忌必有殃夫宗有司之

言順矣僖又未有明焉

未育明德

犯順不祥以逆訓民

亦不祥易神之班亦不祥不明而躋之亦不祥犯

鬼道二

二易神之班  
蹟不明也

犯人道二

犯順以逆  
訓民也

能無殃

乎

魯語

公羊子曰大事者何大禘也

以言大與有  
事異又從僖

八年禘數之知為大禘疏曰宣八年夏六月辛巳有事于大廟彼是時祭不言大則知此言大者是是祭大祭明矣又從僖八年禘數之知為大禘者春秋說文云三年一禘五年一禘爾雅云禘大祭也孫氏云禘五年大祭也然則三年一禘五年一禘禮如然也案僖八年秋七月禘于大廟從此以後三年一禘數則十一年禘十四年禘十七年禘二十年禘二十三年禘二十六年禘二十九年禘三十二年禘三十五年禘也若作五年一禘數則僖公八年禘十三年禘十八年禘二十三年禘二十八年禘三十三年禘三十八年禘四十二年禘則文二年非禘年正當合禘故知此年大事為禘矣是以注云又從僖

八年禘數之知為大禘也若然從僖八年禘數之則十一年禘十三年禘隨次而下至僖二十三年并為禘禘何得下傳云五年而再殷祭者蓋為其初時三年作禘五年作禘大判言之得言五年而再殷祭其間三五參差隨次而下何妨或有同年時乎知非禘與禘相因而數為三年五年者若從僖八年禘十一年禘十六年禘十九年禘數之至僖三十二年禘文公二年禘亦相當但于五年而再殷祭之言不合故不得然解

大禘者何合祭也其合祭奈何毀

廟之主陳於太祖

毀廟謂親過高祖毀其廟藏其主于太祖廟中禮取其廟室簠

以為死者炊沐太祖周公之廟陳者就陳列太祖前太祖東鄉昭南鄉穆北鄉其餘孫從王父父曰昭子曰穆昭取其鄉明穆取其北面尚敬疏曰正以禘小子禘而文加大故執不知問又曰取其

廟室寧以為死者  
故沐者出禮記文  
未毀廟之主皆升合食于大祖

自外來  
曰升  
五年而再殷祭  
殷盛也謂三年祫五年禘  
禘所以異于祫者功臣皆

祭也祫猶合也禘猶諦也審諦無所遺失禮天子  
特禘特祫諸侯禘則不祫祫則不嘗大夫有賜於  
君然後祫其高祖疏曰禘所以異于祫者功臣  
皆祭也者出禮記與春秋說文禮天子特禘特祫  
者禮記及春秋說文即不主禘祫是也諸侯禘則  
不祫祫則不嘗者即禮記王制所云夏禘則不祫  
秋祫則不嘗是也大夫有賜於君然後祫其高祖  
者正以於禮不得故也  
躋者何升也

何言乎升僖公

據僖于大廟不道所升  
疏曰先君昭穆自有常次今而言躋故執

不知問又曰據僖于大廟不道所升者即  
僖八年秋七月禘于大廟用致夫人是也  
譏逆祀

也其逆祀奈何先禰而後祖也

升謂西上禮昭穆指父子近取法春

秋惠公與莊公當同南而西上隱桓與閔僖公亦當同北而西上繼閔者在下文公緣僖公於閔公為庶兄置僖公于閔公上夫先後之義故識之傳曰後祖者僖公以臣繼閔公猶子繼父故閔公於文公亦猶祖也自先君言之隱桓及閔僖各當為兄弟顧有貴賤耳自繼代言之有父子君臣之道此恩義逆順各有所施也不言吉禘者就不三年不復識畧為下張本疏曰不言吉禘者云云閔二年夏五月乙酉吉禘于莊公傳云其言吉何言吉者未可以吉也曷為未可以吉未三年也然則吉禘于莊公在三年之內今此大事亦在三年之內是不須更言吉禘以識之但畧言大事于大廟為下躋僖公張本而已

穀梁傳曰大事者何大是事也著

祫嘗

祫合也  
嘗秋祭

祫祭者毀廟之主陳于太祖未毀廟

之主皆升合祭于太祖

祫祭者皆合祭諸廟已毀未毀者之主於太祖廟中

以昭穆為次序父為昭子為穆昭南向穆北向孫從王父坐也祭畢則復還其廟

躋升也

先親而後祖也逆祀也

舊說僖公閔公庶兄故文公升僖公之主于閔公之

上耳僖公雖長已為臣矣閔公雖小已為君矣臣不可以先君猶子不可以先父故以昭穆父祖為喻爵曰即之于傳則無以知其然若引左氏以釋此傳則義雖有似而于文不辨高宗殷之賢王猶祭豐于禩以致雖雖之變然後率修常禮文公慎倒祖考固不足多怪矣親謂僖祖謂莊

逆祀

則是無昭穆也無昭穆則是無祖也無祖則無天

也故曰文無天無天者是無天而行也

祖人之始也人之所

仰天也君子不以親親害尊尊此春秋之義也

尊卑有序

不可亂也

疏曰禘祫之禮俱在廟序昭穆所以

為制異者公羊傳稱五年再殷祭何休云謂三年

祫五年禘禘所以異于祫者禘則功臣皆祭也祫

則合食於太祖而已是何休意祫則三年禘則五

年也范子閔二年注同杜預以禘為三年之祭必

不得與何休同也公羊云五年再殷祭禘既三年

蓋祫則五年也若然祫在五年而云三年之喪未

終者按時三年未終而為祫祭故以三年言之不

謂祫祭亦在三年也或以為禘祫同三年但禘在

夏祫在秋直時異耳於范注不妨但與公羊五年

再殷祭違也何休又云天子持禘持祫諸侯禘則

不約祫則不當大夫有賜於君然後祫其高祖然



諸侯禘則不禘或如何說云大夫有禘恐其不然  
公羊亦以此大事于大廟為禘祭杜解左氏以大  
事為禘與穀梁異又曰大是事也者禘是祭之大  
者故云大是事也著禘嘗者謂以大事言之著明  
是禘嘗之祭也嘗連言者禘必在秋故連嘗言之  
熊周之八月夏之六月而云著禘嘗者蓋月却節  
前已得立秋之節故也先秋而後祖親謂僖公祖  
謂閔公也僖繼閔而立猶子之繼父故傳以昭穆  
祖父為喻此于傳文不失而范氏謂莊公為祖其  
理非也何者若范云文公顛倒祖考則是僖在于  
莊上謂之夷狄猶自不然況乎有道之邦豈其若  
是明范說非也則無天也謂天道先尊而後親今  
亂其上下不仰法天也此春秋之義  
也者以嫌疑之間須取聖證故也

僖公八年

秋七月禘于大廟用致夫人

禘三年大祭之名太  
廟周公廟致者致新

死之主于廟而列之昭穆夫人淫而與殺不禭於  
寢於禮不應致故僖公疑其禮厯三禘今果行之  
嫌異常故書之殺音試疏曰釋天云禘大祭  
也言其大于四時之祭故為三年大祭之名言每  
積三年而一為此祭也大廟廟之大者故為周公  
廟釋例曰三年喪畢致新死之主以進于廟廟之  
達主當遷入祧于是乃大祭於大廟以審定昭穆  
謂之禘是說致者致新死之主於廟而列之昭穆  
也此致致哀姜也哀姜薨已多年非復新死而于  
今始致者傳發凡例夫人不薨于寢則不致哀姜  
例不應致故僖公疑其禮喪畢之日不作禘祭之  
禮以致之既不為哀姜作喪畢禘祭其禘自從閔  
公數之二年除閔喪為禘至五年復禘今八年復  
禘姜死以來已歷三禘今因禘祭果復行之三年  
一禘禘自是常不為夫人禘祭因禘而致夫人嫌  
其異於常禮故史官書之若其不致夫人則此禘

得常不書為用致  
夫人而書之耳

左氏傳曰禘而致哀姜焉非

禮也凡夫人不薨於寢不殯於廟不赴於同不祔

於姑則弗致也

祔音附 寢小寢同 同盟將葬又  
不以殯過廟據經哀姜薨葬之文

則為殯廟赴同祔姑今當以不薨于寢不得致也  
疏曰夫人薨葬之禮有赴同祔姑反哭三事而  
已此說致之禮加以薨寢殯廟而不言反哭者蓋  
以致于廟者終始成其尊死生之禮畢不薨于寢  
死不得其所也不殯于廟葬之以禮也死葬非  
禮則先神耻之故不具四事皆不合致反哭者直  
為書葬以否假使不書其葬夫人之禮亦成自是  
生者之可讎非為死者之有失雖不反哭亦得致  
之故於此不言反哭也又曰喪大記云男子不死  
于婦人之手婦人不死于男子之手君夫人卒于

路寢既言婦人不死于男子之手必不得死于君之路寢言夫人卒于路寢謂卒于夫人之大寢對君路寢為小故云小寢也同者同盟之國也檀弓曰喪之朝也順死者之心也其哀離其室也故至于祖考之廟而後行殷朝而殯于祖周朝而遂葬士喪禮朝而遂葬與記正同知周法不殯于廟而此傳及襄四年皆云不殯于廟以為失禮知其將葬之時不以殯過廟耳殯過廟者將葬之時從殯宮出告廟乃葬非是殯尸于廟中也據經哀姜薨葬之文知其赴同祔始可矣亦知其殯于廟者以元年十二月喪至二年五月始葬明至則殯于寢也既殯于寢自然葬當朝廟故據葬文亦知殯廟唯當以不薨於寢不得致耳今案穀梁傳以為僖公禘致妾母成風于太廟立以為夫人公羊傳以為僖公立齊媵女以為夫人因禘祭而廟見與左氏不同未知孰是今第取其不薨寢殯廟不

赴同祔姑則不得致其主之廟以附于此

# 定公八年冬十月順祀先

## 公而祈焉

經云從祀先公注從順也先公閔公僖公也將正二公之位次所順非一親盡

故通言先公將作大事欲以順祀取媚疏曰傳言順祀是從為順也文二年大事于大廟躋僖公升僖子閔上閔先為君退在僖下是逆也今升閔在僖上依其先後是順也廟主失次唯此二公故知從祀先公唯閔僖耳躋僖公指僖言之此不指言升閔者彼所升者止升僖公之一神不得不指言僖公也今從祀之時閔僖俱得正位且以親盡故通言先公此言從祀躋僖公不言逆祀者此從祀因躋僖公之文故得略言從祀至於躋僖公文無所繫不知逆祀何公且見是親廟不可言先公故指僖言之而言躋也然則此以親盡故通言先公下桓宮僖宮災彼亦親盡言桓僖者彼據災之

所在須指言其處  
與此體例不同

辛卯禘于僖公

辛卯十月二日  
不於大廟者順

祀之義當退僖公懼於僖神故于僖廟行順祀  
疏曰釋例曰大祭于大廟以審定昭穆謂之禘禘  
于大廟祫之常也各以其宮時之為也雖非三年  
大祭而書禘用禘禮也然則禘者審定昭穆之祭  
也今為順祀而禘于僖公則是并取先公之主盡  
入僖廟而以昭穆祭之是為用禘禮也計禘禮當  
于大廟今就僖廟為禘者順祀之義退僖升閭懼  
于僖公之神故于僖廟行禘禮使先公之神徧知  
之禮祭尊可以及卑後世之主宜上徙大廟而食  
今徙上世之主下入僖廟祀之當時所為非正禮  
也昭二十五年禘于襄公  
義亦然也春秋左氏傳

公羊子曰從祀先公從

祀者何順祀也

復文公之逆祀疏曰欲言其祭  
經無宮廟之大欲言非祭謂之從

祀故執  
不知問

# 文公逆祀去者三人

疎不從而去之  
曰文公逆祀去者三

人者謂大二年八月丁卯大事于大廟躋僖公傳  
云躋者何升也何言乎升僖公譏何譏爾逆祀也  
其逆祀奈何先禘  
而後祖也是也

# 定公順祀叛者五人

疎不以禮  
而去曰叛

去與叛皆不言者微也不書禘者後禘亦順非獨  
禘也言祀者無已長久之辭不言僖公者閔公亦  
得其順 疏曰疎不以禮而去曰叛者謂疎若全  
不以禮不從之而去者謂之叛也又曰不書禘者  
後禘亦順非獨禘也者何氏之意以為三年一禘  
五年一禘謂諸侯始封之年禘祫並作之但夏禘  
則不約秋禘則不嘗而已一禘一禘隨次而下其  
間三五參差亦有禘祫同年時矣若其有喪正可  
於喪廢其禘祫之年仍自乘上而數之即僖八年  
禘于大廟之時禘祫同年矣至文二年大事于大

廟之下傳云大事者何大禘也何氏云從僖八年禘數之知為大禘是從僖八年禘祫同年數之文二年為祫年文五年為禘祫同年又隨次而數之至今定八年亦禘祫同年矣凡為祭之法先重而後輕禘大于祫固當先之則知此言從祀先公者是禘明矣故云不書祫者後禘亦順非獨禘也若然既言是禘理宜在夏而在冬下者當之矣言祀者無已長久之辭者桓八年傳云春曰祠何氏云祠猶食也猶繼嗣也春物始生孝子思親繼嗣而食之故曰祠因以別死生然則此經何以不言從祭先公或言大事于先公而言祀者見其相嗣不已長久常然故云言祀者無已長久之辭不言僖公者閔公亦得其順者閔二年夏五月乙酉吉禘于莊公僖八年秋七月禘于大廟文二年八月丁卯大事于大廟之文皆道其人今此經文所以不言從祀僖公而言先公者正以閔公亦得其順是



以不得穀梁子曰貴復正也

文公逆祀今還順左氏公羊穀梁傳通

修

衛孔悝出奔宋使貳車反祐於西圃

悝苦同反祐音

石 使副車還取廟主西圃孔氏廟所在祐藏主石函 函音咸 疏曰少牢饋食大夫之祭禮其

祭無主鄭玄祭法注云唯天子諸侯有主禘祫大夫不禘祫無主耳今孔悝得有主者當時階為之非禮也鄭玄駁異義云大夫無主孔悝之反祐所出公之主耳索孔氏姑姓春秋時國唯南燕為姑姓耳孔氏仕于衛朝已歷多世不知本出何國安得有所出公之主也知是階為之耳 哀公十六

年春秋左氏傳

桓公二年三月公會齊侯陳侯鄭伯于

稷以成宋亂

成平也宋有弑君之亂故為會欲以平之稷宋地 疏曰成平釋詁文也

宣十五年傳晉侯治兵于稷治兵欲以禦秦明其  
不出晉境故以稷為河東之稷山此欲平宋故以  
稷為夏四月取郕大鼎于宋戊申納于大廟非禮  
宋地

也

郕古報反宋以鼎賂公大廟周公廟也始欲  
平宋之亂終于受賂故備書之戊申五月十日

疏曰禮記明堂位稱魯君季夏六月以禘禮祀  
周公于大廟文十三年公羊傳曰周公稱大廟故  
知大廟周公廟也始欲平宋亂故會于稷終舍宋  
罪而受其賂故得夫備書之始書成宋亂終書取  
郕鼎是其備書之也鄭衆服虔皆以成宋亂為成  
就宋亂故以此言正之長歷此年四月庚午朔其  
月無戊申五月己亥朔十日  
得戊申是有日而無月也

臧哀伯諫曰

臧哀伯  
魯大夫

僖伯  
之子  
君人者將昭德塞違以臨照百官猶懼或失

之故昭令德以示子孫

疏曰君人謂與人為君也昭德謂昭明善德使德益

章聞也塞違謂閉塞違邪使違命止息也德者得也謂內得于心外得于物在心為德施之為行德是行之未發者也而德在于心不可聞見故聖王設法以外物表之儉與度數文物聲明皆是昭德之事故傳每事皆言昭是昭其德也自不敢易紀律以上言昭德耳都無塞違之事自減德立違以下言違德之事德之與違義不並立德明則違絕故昭德之下言塞違違立則德滅故立違之上言減德立違謂建立違命之臣知塞違謂遏絕違命之人也國家之敗謂邦國喪亡知猶懼或失之謂恐失國家此諫辭有首尾故理互相見

是以清廟茅屋

以茅飾屋著儉也清廟肅

然清靜之稱疏曰冬官考工記有葺屋瓦屋則屋之覆蓋或草或瓦傳言清廟茅屋其屋必用茅

也但用茅覆屋更無他文明堂位曰山節藻梲  
廟重檐刮楹達鄉反玷出尊崇崇崇崇崇崇崇  
之廟飾也其飾簡物盡文不應以茅為覆得有茅  
者杜云以茅飾屋著儉也以茅飾之而已非謂多  
用其茅總為覆蓋猶童子垂髦及蔽膝之屬示其  
存古耳白虎通曰王者所以立宗廟何緣生以事  
死敬亡若存故以宗廟而事之此孝子之心也宗  
者尊也廟者貌也象先祖之尊貌然則象尊之貌  
享祭之所嚴其舍宇簡其出入其處肅然清靜故  
稱清廟清廟者宗廟之大稱詩頌清廟者祀文王  
之歌故鄭玄以文王解之言天德清明文王象焉  
故稱清廟此則廣指諸廟非獨文王故以清靜解  
之  
**大路越席**  
越戶括反大路玉路祀天車也越  
席結草祀天車本無天字者非疏  
曰路訓大也君之所在以大為號門曰路門寢曰  
路寢車曰路車故人君之車通以路為名也周禮

巾車掌王之五路鄭玄云王在馬曰路彼解天子之車故云王在耳其實諸侯之車亦稱爲路大路之路之最 大者巾車五路玉路爲大故杜以玉路爲大路巾車云玉路錫樊纓十有再就建大常十有二旂以祀故云祀天車也越席結蒲爲席置于玉路之中以茵藉之示其儉也經傳言大路者多矣注者皆觀文爲說尚書顧命陳列器物有大輅綴輅先輅次輅孔安國以爲玉金象以飾車以其偏陳諸路故以周禮次之僖二十八年王賜晉文公以大輅之服定四年祝佗言先王分魯衛晉以大路注皆以爲金路以周禮金路同姓以封玉路不可以賜故知皆金路也襄十九年王賜鄭子矯以大路二十四年王賜叔孫豹以大路二注皆云大路天子所賜車之摠名以周禮孤乘夏篆卿乘夏綬釋例以所賜穆叔子矯當是革木二路故杜以大路爲賜車之摠名服虔云大路木路杜不熊者

以大路越席猶如清廟茅屋清廟之華以茅飾屋  
示儉玉路之美以越席示質若大路是木則與越  
席各為一物豈清廟與茅屋又為別乎故杜以大  
路為玉路於玉路而施越席是方可以示儉故沈  
氏云玉路雖文亦以越席示儉而劉君橫  
生異義以大路為木路妄規杜氏非也

**大羹不**

**致**

大羹肉汁不致五味 疏曰郊特牲云大羹不  
和貴其質也儀禮士虞特牲皆設大羹湆鄭玄

云大羹湆羹肉汁也不和貴其質設之所以敬尸  
也是祭祀之禮有大羹也大羹者太古初食肉者  
煮之而已未有五味之齊祭神設之所以敬而不  
忘本也記言大羹不和故知不致者不致五味五  
味即洪範所云 **棗食不鑿** 棗音咨食音嗣餅也鑿  
酸苦辛鹹甘也 子洛反字抹作穀子沃  
反云糲米一斛舂為八斗 黍稷曰棗不精鑿  
疏曰釋草云棗稷舍人曰棗一名稷稷栗也然則

菜是稷之別名但稷是諸穀之長菜是諸穀總名  
周禮小宗伯辨六菜之名物鄭玄云六菜謂黍稷  
稻粱麥苽是諸穀皆名菜也祭祀用穀黍稷為多  
故云黍稷曰菜飯謂之食傳云菜食不鑿謂以黍  
稷為飯不使細也九章算術粟率五十鑿二十  
四言粟五斗為米二斗四升是則米之精鑿

昭

其儉也

此四者皆示儉

衮冕黻珽

衮古本反黻音弗下同  
珽他頂反衮畫衣也

冕冠也黻韋鞶以蔽膝也珽玉笏也若今吏之持  
簿蹕音必笏音忽持簿步古反徐廣云持簿手

版也疏曰畫衣謂畫龍于衣祭服玄衣纁裳詩  
稱玄衮是玄衣而畫以衮龍衮之言衮也謂龍首

卷然玉藻曰龍卷以祭知謂龍首卷也尚書益稷  
云帝曰予欲觀古人之象日月星辰山龍華蟲作

會宗彝藻火粉米黼黻絺繡言觀古人之象謂觀  
衣服所象日月以至黼黻十二物皆衣服之所有

也華蟲以上言作會宗彛以下言締繡則二者雖在于服而施之不同冬官考工記畫績與繡布采異次知在衣則畫之在裳則刺之故鄭玄禮注及詩箋皆云衣績而裳繡以此知衾是畫文故云衾畫衣也衾衣以下章數鄭玄注司服云有虞氏十二章自日月以下至周而日月星辰畫于旌旗又登龍于山登火于宗彛冕服自九章而下如鄭此言九章者龍一山二華蟲三火四宗彛五在衣藻六粉米七黼八黻九在裳鷩冕者去龍去山自華蟲而下七章華蟲一火二宗彛三在衣餘四章在裳鷩冕者去華蟲去火五章自宗彛而下宗彛一藻二粉米三在衣餘二章在裳希冕者去宗彛去藻三章自粉米而下粉米一在衣餘二章在裳玄冕者其衣無畫裳上刺黻而已杜昭二十五年數九文不取宗彛則與鄭異也冠者首服之大名冕者冠中之別號故云冕冠也世本云黃帝作冕未



仲子云冕冠之有疏者禮文殘缺形制難詳周禮弁師掌王之五冕皆玄冕朱裏正言玄朱而已不言所用之物論語曰麻冕禮也蓋以木為幹而用布衣之上玄下朱取天地之色其長短廣狹則經傳無文阮譔三禮圖漢禮器制度云冕制皆長尺六寸廣八寸天子以下皆同沈引董巴輿服志云廣七十長尺二寸應劭漢官儀云廣七寸長八寸沈又云廣八寸長尺六寸者天子之冕廣七寸長尺二寸者諸侯之冕廣七寸長八寸者大夫之冕但古禮殘缺未知孰是故備載焉司馬彪漢書輿服志云孝明帝永平二年初詔有司采周官禮記尚書之文制冕皆前圓後方朱裏玄上前垂四寸後垂三寸天子白玉珠十二疏三公諸侯青玉珠七疏卿大夫黑玉珠五疏皆有前無後此則漢法耳古禮鄭玄注弁師云天子衮冕以五采繅前後各十二旒旒有五采玉十有二驚冕前後九旒

冕前後七旒。帝冕前後五旒。玄冕前後三旒。旒皆五采。玉十有二上公衮冕三采。纁前後九旒。旒有三采。玉九侯。伯鷩冕三采。纁前後七旒。旒有三采。玉七子男。毳冕三采。纁前後五旒。旒有二采。玉五孤卿以下皆二采。纁二采。玉其旒及玉各依命數耳。謂之冕者。冕倮也。以其後高前下有倮俯之形。故因名焉。蓋以在上位者失於驕矜。欲令位彌高而志彌下。故制此服。令貴者下賤也。黼黻制同而名異。鄭玄詩箋云。芾大古蔽膝之象也。冕服謂之韠以韋為之。故云蔽韋韠也。詩云赤芾在股。則芾是當股之衣。故云以蔽膝也。鄭玄易緯乾鑿度注云。古者田漁而食。因衣其皮。先知蔽前後。知蔽後。後王易之以布帛。而獨存其蔽前者。重古道而不忘本也。是說蔽韠之元由也。易下繫辭曰。包犧氏之王天下也。作為網罟。以佃以漁。則佃漁而食。伏羲時也。禮運說上古之時云。昔者先

王食鳥獸之肉衣其羽皮是佃漁而食因衣其皮也又曰後聖有作治其麻絲以為布帛繫鞶曰黃帝堯舜垂衣裳而天下治然則易之布帛自黃帝始也垂衣裳服布帛初必始於黃帝其存蔽膝之象未知始自何代也禮記明堂位云有虞氏服韍言舜始作韍也尊祭服而異其名耳未必此時始存象也知冕服謂之蔽者易云朱紱方來利用享祀知他服謂之韠者案士冠禮士服皮弁玄端皆服韠是他服謂之韠以冕為主非冕謂之他此欲以兩服相形故謂蔽為韠韠蔽之與韠祭服他服之異名耳其體制則同玉藻說玄端服之韠云韠君朱大夫素士爵韠發首言韠句末言韠明皆以韠為之凡韠皆象裳色言君朱大夫素則尊卑之韠直色別而已無他飾也其蔽則有文飾焉明堂位曰有虞氏服蔽夏后氏山殷火周龍章鄭玄云韍冕服之韠也舜始作之以尊祭服禹湯至周增以畫

丈後王彌飾也山取其仁可仰也火取其明也龍取其變化也天子備馬諸侯火而下卿大夫山士韎韐而已是說蔽之飾也玉藻曰韠下廣二尺上廣一尺長三尺其頸五寸肩革帶博二寸鄭玄云頸五寸亦謂廣也頸中央肩兩角皆上接革帶以繫之肩與革帶廣同是說韠之制也記傳更無蔽制皆是韠義明其制與韠同經傳作蔽或作韠或作蒂音義同也徐廣車服儀制曰古者韠如今蔽膝戰國連兵以韠非兵飾去之漢明帝復制韠天子亦皮蔽膝蔽膝古韠也然則漢世蔽膝猶用亦皮魏晉以來用絳紗為之是其古今異也以其用絲故字或有為絃者天子之笏以玉為之故云珽玉笏也管子云天子執玉笏以朝日是有玉笏之文也禮之有笏者玉藻云凡有指畫于君前用笏造受命于君前則書于笏也釋名云笏忽也君有命則書其上備忽忘也或曰笏可以簿疏物也徐

廣車服儀制曰古者貴賤皆執笏即今手板也然則笏與簿手板之異名耳蜀志稱秦密見太守以簿擊頰則漢魏以來皆執手板故云若今吏之持簿玉藻云笏畢用也因飾焉言貴賤盡皆用笏因飾以示尊卑其上文云笏天子以球玉諸侯以象大夫以魚須文竹士竹本象可也鄭玄云球美玉也文猶飾也大夫士飾竹以為笏不敢與君並用純物是其尊卑異也大夫與士笏俱用竹大夫以魚須飾之士以象骨為飾不敢純用一物所以下人君也用物既殊體制亦異玉藻云天子搢珽方正於天下也諸侯荼前趾後直讓于天子也大夫前趾後趾無所不讓也鄭玄以為謂之挺挺之言挺然無所屈前後皆方正也荼謂舒儒所畏在前也圓殷其首屈于天子也大夫上有天子下有已君故首末皆圓前後皆讓是其形制異也其長則諸侯以下與天子又異珽一名大圭周禮典瑞云

王晉大圭以朝日是也冬官考工記大圭長三尺  
天子服之是天子之挺長三尺也玉藻云笏度二  
尺有六寸短于天子蓋

**帶裳幅舄**

幅音逼舄音昔  
帶革帶也衣

諸侯以下度分皆然十

下曰裳幅若今行膝者舄復履

疏曰下有鞶是紳帶如此帶為革帶玉藻革

帶博二寸鄭云凡佩繫于革帶白虎通云男子有

鞶革者示有金革之事然則示有革事故用革為

帶帶為衾也昭十二年傳云裳下之飾也經傳通

例皆上表下裳故云衣下曰裳幅與行膝今古之

異名故云若今行膝詩云邪幅在下毛傳曰幅徧

也所以自徧束也鄭箋云邪幅如今行膝也徧束

其腰自足至膝膝訓緘也然則行而緘足故名行

膝邪經束之故名邪幅舄者屨之小別鄭玄周禮

屨人注云履下曰舄履下曰屨然則舄之與履下

有譚復為異屨是摠名故云舄履謂其履下也

鄭玄又云天子諸侯吉事皆烏赤烏者冕服之烏  
白烏者皮弁之烏黑烏者玄端之烏其士皆著屨  
練屨者爵弁之屨白屨者皮弁之屨黑屨者玄端  
之屨其卿大夫服冕者亦赤烏餘服則屨其王后  
褙衣玄烏褙狄青烏闕狄赤烏鞠衣黃屨展衣白  
屨褙衣黑屨其諸侯夫人及卿大夫之妻合衣狄  
者皆烏其餘皆屨其烏之飾用對方之色赤  
烏黑飾是也屨之飾用比方白屨黑飾是也

**衡純**

**紃紃**

紃多敢反字林丁坎反紃獲耕反紃音延字  
林戈善反衡維持冠者純冠之垂者紃纓

從下而上者紃冠上覆上時掌反下下同  
疏曰此四物者皆冠之飾也周禮追師掌王后之  
首服追衡笄鄭司農云衡維持冠者鄭玄云祭服  
有衡垂于頤之兩旁當耳其下以純縣瑱彼婦人  
首服有衡則男子首服亦然冠由此以得支立故  
云維持冠者追者治玉之名王后之衡以玉為之

故追師掌馬弁師掌王之五冕弁及冕皆用玉筭則天子之衡亦用玉其諸侯以下衡之所用則未聞純者縣璜之繩垂于冠之兩旁故云冠之垂者魯語說姜曰王后親織玄純則純必織線為之若今之隆繩鄭玄詩箋云充耳謂所以縣璜者或名為純織之人君五色臣則三色是也隆必離色而魯語獨言玄者以玄是天色故特言之非謂純玄色也絃纓皆以組為之所以結冠于人首也纓用兩組屬之于兩旁結之于頤下垂其餘也絃用一組從下屈而上屬之于兩旁垂其餘也絃纓同類以之相形故云絃纓從下而上者弁師掌王之五冕皆玉筭朱絃祭義稱諸侯冕而青絃士冠禮稱緇布冠青組纓皮弁筭爵弁筭緇組纓鄭玄云有筭者屈組為絃垂為飾無筭者纓而結其隆以其有筭者用絃力少故從下而上屬之無筭者用力多故從上而下結之冕弁皆有筭故用絃緇布



冠無筭故用纁也。魯語稱公侯夫人織紵。紵知紵亦織而為之士冠。禮言組纁。組纁知天子諸侯之紵亦用組也。紵冠上覆者冕以木為幹以玄布衣其上謂之紵。論語尚書皆云麻冕知其當用布也。弁師掌王之五冕皆玄冕知其色用玄也。孔安國論語注言纁麻三十升布以為冕即是紵也。鄭玄玉藻注云延冕上覆也。此云冠上覆者冠冕通名。故此注衡及紵皆以冠言之。其實悉冕飾也。昭

### 其度也

尊卑各有制度。疏曰此上十二物者皆

玄親禮注云上公衮無升龍天子有升龍有降龍是衮有度也。冕則公自衮以下侯伯自鷩以下是冕有度也。戴則諸侯火以下卿大夫山是戴有度也。璚則玉象不同長短亦異是璚有度也。衮冕鷩冕裳四章。鷩冕布冕裳三章是裳有度也。鄭玄屨人注云王吉服鳥有三等亦鳥為上冕服之鳥下

有白鳥黑鳥王后祭服鳥有三等玄鳥為上禕衣之鳥下有青鳥赤鳥是鳥有度也統則人君五色臣則三色是統有度也天子朱紘諸侯青紘是紘有度也其帶幅衡紼則無以言之傳言昭其度也明其尊卑

**藻率鞞鞞**  
藻率以韋為之所以藉玉王各有制度

**鞞鞞**  
五采公侯伯三采子男二采鞞佩刀削上飾鞞下飾

**鞞**  
疏曰鄭玄覲禮注云鞞以藉玉以韋衣木廣袤各如其玉之大小典瑞注

**鞞**  
鞞有五采文所以薦玉木為中幹用韋衣而畫之此言以韋為之指木上之韋其實木為幹也禮之言鞞皆有玉共文大行人謂之鞞藉曲禮單稱鞞故知所以藉玉也大行人云公執桓圭九寸鞞藉九寸知大小各如其玉也大行人注云鞞藉以五采韋衣板若奠玉則以藉之是由有奠之時須有鞞以之藉玉故大小如玉耳典瑞職曰王執鎮圭鞞藉五采五就以朝日公執桓圭侯執信圭伯執

躬圭纁皆三采三就子執轂璧男執蒲璧纁皆二采再就以朝覲宗遇會同于王是王五采公侯伯三采子男二采也凡言五采者皆謂玄黃朱白蒼三采朱白蒼二采朱綠就成也五就謂五帀每一帀為就也禮之言藻其文雖多典瑞大行人聘禮覲禮皆單言纁或云纁藉未言言纁率者故服虔以藻為畫藻率為刷巾杜以藻率為一物者以拭物之巾無名率者服言禮有制巾事無所出且哀伯謂之昭數固應禮之大者寧當舉拭物之巾與藻藉為類故知藻率止是藻之複名藻得稱焉藻藉何以不可名為藻率也玉藻說帶之制曰士練帶率下辟凡帶有率無箴功鄭玄云士以下皆禪不合而練積如今作幪頭為之也然則禪而不合練練其邊謂之為率此言韋衣木蓋亦練積其邊故稱率也鄭司農典瑞注讀纁為藻率之藻似以藻率共為藻也詩曰韠琫容刀故知韠韠佩刀削

之飾也少保云刀授預削授拊削是刀之類故與  
刀連言之鞞鞞二名明飾有上下先鞞後鞞故知  
鞞為上飾鞞為下飾劉君以毛詩傳下曰鞞上曰  
鞞而規杜氏但鞞鞞或上或下俱是無正文不可  
以規杜  
**鞞屬游纓**  
鞞步十反游音留鞞紳帶一  
過也

之游纓在馬膺前如索帶膺於陵反索悉各反  
疏曰易訟卦上九或錫之鞞帶知鞞即帶也以  
帶束要垂其餘以為飾謂之紳上帶為革帶故云  
鞞紳帶所以別上帶也玉藻說帶云大夫大帶是  
一名大帶也詩毛傳云屬帶之垂者故用毛說以  
為屬大帶之垂者也大帶之垂者名之為紳而復  
名為屬者紳是帶之名屬是垂之貌詩稱垂帶而  
屬是屬為垂貌也玉藻稱天子素帶朱裏終辟諸  
侯素帶不朱裏大夫玄華辟垂帶皆博四寸士帶  
博二寸再繅四寸緇辟下垂賁服等說鞞屬皆與

杜同鄭玄獨異禮記內則注以鞶為小囊讀厲如裂縞之裂言鞶囊必裂縞緣之以為飾索禮記稱男鞶革女鞶絲鞶是帶之別稱遂以鞶為帶名言其帶革帶絲耳鞶非囊之號也禮記又云婦事舅姑施鞶衾衾是囊之別名今人謂衾書之物為衾言其施帶施囊耳其鞶亦非囊也若以鞶為小囊則衾是何器若衾亦是囊則不應帶二囊矣以此知鞶即是紳帶為得其旨游是說之垂者旂之別名九旗雖各有名而旌旂為之總號故云旌旗之游也案中車王建大常十有二旂又大行人云上公九旂侯伯七旂子男五旂其孤卿建纁大夫士建物其旂各如其命數其鳥旗則七旂熊旗則六旂龜旒則四旂故考工記云鳥旗七旂以象鵠火熊旗六旂以象伐龜旒四旂以象營室是也鄭司農巾車注云禮家說曰纁當胸以削革為之鄭玄云纁今馬鞅是纁在馬膺前也服虔云纁如索常

今乘輿大駕有之然則漢魏以來大駕之馬膺有  
素帶是纓之遺象故云如素帶也素巾車玉路樊  
纓十有再就鄭玄注云樊及纓皆以五米屬飾之  
金路樊纓九就象路樊纓七就革路條纓五就鄭  
玄云其樊及纓以條絲飾之木路前樊鵠纓鄭玄  
云以淺黑飾韋為樊鵠色飾韋為纓不言就數飾  
與革同昭其數也尊卑各有數疏曰藻有五采三  
路同昭其數也采之異是藻率有數也毛詩傳說  
容刀之飾云天子玉琫而珌珌諸侯璽琫而璆璆  
是鞞鞞有數也玉藻云紳長制士三尺有司二尺  
有五寸又大夫以上帶廣四寸士廣二寸是鞞屬  
有數也玉路十二苻金路九苻是苻有數也玉路  
纓十有二就金路纓九就是纓有數也數之與度  
大同小異度謂限制數謂多少言其尊卑有節數  
也

火龍黼黻

黼音甫火畫火也龍畫龍也白與  
黑謂之黼形若斧黑與青謂之黻兩

已相戾 戾力計反 疏曰考工記記畫績之事  
云火以圉鄭司農云為圓形似火也鄭玄云形如  
半環然又曰水以龍鄭玄云龍水物畫水者并畫  
龍是衣有畫火畫龍也白與黑謂之黼黑與青謂  
之黻考工記文也其言形若斧兩已相戾相傳為  
說孔安國虞書傳亦云黼若斧形黻為兩已相背  
是其舊說然也周世袞冕九章傳唯言火龍黼黻  
四章者略以明義故文不具舉衣之所畫龍先於  
火今火先於龍知其言不以次也

### 昭其文也

以文章明貴賤

### 五色比象昭

### 其物也

比並是反象天地四方

車服器械之有五色皆以比

象天地四方以示威

反 疏曰考工記云畫績之事雜五色朱青南赤  
西白北黑天玄地黃是其比象天地四方也比象  
有六而言五者玄在赤黑之間非別色也昭二十  
五年傳云九文六采言采色有六故注以天地四

方六事當之五行之色為五色加大色則為六故  
五色六采互相見也昭其物者以示物不虛設必  
有所象其物皆象五  
**錫驚和鈴**昭其聲也  
色故以五色明之  
錫音今

錫在馬額驚存鑣和在銜鈴在銜動皆有鳴聲  
額類客反鑣彼驕反銜勒衣反疏曰鄭玄巾

車注云錫馬面當虛刻金為之所謂鍤錫也詩箋  
云眉上曰錫刻金飾之今當虛也然則錫在眉上  
故云在馬額也詩稱輶車驚鑣知驚在鑣也鑣在  
馬口兩旁銜在服馬頸上驚和亦鈴也以處異故  
異名耳爾雅釋天說旌旗有鈴曰旂李巡曰以鈴  
置旌端是鈴在旂也錫在馬額鈴在旂先儒更無  
異說其驚和在則舊說不同毛詩傳曰在軾曰  
和在鑣曰驚韓詩內傳曰驚在銜和在軾前鄭玄  
經解注取韓詩為說秦詩箋云置驚于鑣異于乘  
車也其意言乘車之驚在銜田車之驚在鑣及商



燭烈祖之箋又云鸞在鑣是疑不能定故兩從之也索考工記輪崇車廣衡長參如一則衡之所容唯兩服馬耳詩辭每言八鸞當謂馬有二鸞鸞若在衡衡唯兩馬安得置八鸞乎以此知鸞必在鑣鸞在鑣則和當在衡經傳不言和數未知和有幾也四者皆以金為之故動則皆有鳴聲也

### 辰旂旗昭其明也

三辰日月星也畫于旌旗象天之明疏曰春官神士掌三辰

之法鄭玄亦以為日月星也謂之辰辰時也日以照畫月以照夜星則運行于天昏明遮而正所以示民早晚民得取為時節故三者皆為辰也三辰是天之光明照臨天下故畫于旌旗象天之明也九旗之物唯日月為常不言畫星者蓋太常之上又畫星也穆天子傳稱天子葬盛姬建日月七星蓋畫北斗七星也索司常交龍為旂熊虎為旗不畫三辰而云三辰旂旗者旂旗是九旗之總名

可以統大常故  
舉以為言也

夫德儉而有度登降有數

登降謂上下尊

卑  
文物以紀之聲明以發之以昭臨百官百官於

是乎戒懼而不敢易紀律今滅德立違

謂立華督違命之臣

而寘其賂器於大廟以明示百官百官象之其又

何誅焉國家之敗由官邪也官之失德寵賂章也

郛鼎在廟章孰甚焉武王克商遷九鼎于雒邑

寘之

鼓反雒音洛本亦作洛九鼎殷所受夏九鼎也  
武王克商乃營雒邑而後去之又遷九鼎焉時但

營雒邑未有郛城至周公乃卒營雒邑謂之王城  
即今河南城也故傳曰成王定鼎于郊郛受夏

戶雅反邾古洽反邾音辱疏曰據宣三年傳知九鼎是殷家所受夏九鼎也戰國策稱齊救周求九鼎顏率為齊王曰昔周伐殷而取九鼎一鼎九萬人挽之九鼎八十一萬人挽之挽鼎人數或是虛言要知其鼎有九故稱九鼎也知武王遷九鼎於維邑欲以為都者鼎者帝王所重相傳以為寶器戎衣大定之日自可遷置西周乃徙九鼎處於洛邑故知本意欲以為都又以尚書洛誥說周公營洛邑則知武王但有遠意周公乃卒營之地理志云河南縣故邾鄆地也武王遷九鼎焉周公致太平營以為都是為王城至平王居之言即今河南城者晉時猶以為河南縣成王定鼎宣三年傳文義士猶或非之

蓋伯夷之屬疏曰史記伯夷列傳曰伯夷叔齊孤竹君之二

子也讓國俱逃歸周及至西伯卒武王東伐紂伯夷叔齊叩馬諫曰父死不葬爰及干戈可謂孝乎

以臣伐君可謂仁乎左右欲兵之太公曰此義人也扶而去之武王既平殷夷齊恥之而不食周粟隱于首陽山采薇而食之作歌曰登彼西山兮采采薇矣以暴易暴兮不知其非矣檢書傳之說非武王者唯此人故知伯夷之屬

而況將昭違亂之賂器於大廟其

若之何公不聽

春秋左氏傳

穀梁子曰桓內弑其君

外成人之亂受賂而退以事其祖非禮也其道以周公為弗受也郕鼎者郕之所為也曰宋取之宋

也

郕鼎本部國所作宋後得之

以是為討之鼎也

討宋亂而更受其賂鼎

孔子曰名從主人物從中國故曰郕大鼎也

主人謂作

鼎之主人也故繫之部物從中國謂是大鼎疏  
曰名從主人者謂本是部作繫之于部物從中國  
者謂鼎在宋從宋號也言物從中國者廣例耳通  
夷狄亦然其意謂鼎名從作者之主人不問華戎  
皆得繫之若左傳稱甲父之鼎是也物從中國者  
謂中國號之大鼎縱夷狄亦從中國之號不得改  
之若傳稱吳謂善稻為伊綏夷狄謂太原為大鹵  
以地形物類須從中國之號故不得謂之伊綏大  
鹵也何休云周家以世孝天瑞之鼎諸侯有世孝  
者天子亦作鼎以賜之禮祭天子九鼎諸侯七卿  
大夫五元士三  
也故部國有之

襄公六年齊侯滅萊

略風沙衛之謀也事

在二

獻萊宗器于襄宮

襄宮齊襄公廟春秋左氏傳

自天子達於庶人喪從死者祭從生者支子不祭

從死者謂

衣衾棺槨從生者謂奠祭之牲器疏曰盧植解云從生者謂除服之後吉祭之時以子孫官祿祭其父祖故云從生者若喪中之祭虞祔練祥仍從死者之爵故小記云士祔于大夫則易牲又云其妻為大夫而卒而后其夫不為大夫而祔於其妻則不易牲又雜記云上大夫之虞也少牢卒哭成事祔皆大牢下大夫之虞也植牲卒哭成事祔皆少牢是喪中之祭仍從死者之禮而鄭云謂奠祭之牲器云奠則是喪中之祭得從生者之爵與小記雖記違者小記雜記據死者子孫身無官爵生者又無可祭享故喪中之祭皆用死者之禮若其生者有爵則祭從生者之法喪祭高爾喪後吉祭可知奠謂葬前祭謂葬後包喪終吉祭也鄭必知祭兼喪祭與盧植別者以此云祭從生者喪從死者相對又中庸云父為大夫子為士葬以大夫祭以士又云父為士子為大夫葬以士祭以大夫祭又與葬相對皆祭與喪葬連大是一時之事故祭中兼為喪奠也或云在喪中祭尚

從死者壽至吉祭乃用生者祿耳故知虛解  
鄭言奠者自吉祭之奠及非時祭耳 王制 諸侯不敢

祖天子大夫不敢祖諸侯

疏曰此經云諸侯不敢祖天子而文二年左傳云宋祖帝

乙鄭祖厲王大夫不敢祖諸侯而莊二十八年左傳云凡邑有宗廟先君之主曰都與此文不同者此據尋常諸侯大夫彼據有大功德者故異義禮戴引此郊特牲云又匡衡說支庶不敢薦其禰下土諸侯不得專祖於王古春秋左氏說天子之子以上德為諸侯者得祖所自出魯以周公之故立文王廟左傳宋祖帝乙鄭祖厲王猶上祖也又曰凡邑有宗廟先君之主曰都以其有先君之主公子為大夫所食采地亦自立所出公廟其立先公廟準禮公子得祖先君公孫不得祖諸侯許慎說案周公以上德封於魯得郊天兼用四代之禮樂知亦得祖天子諸侯有德祖天子者知大夫亦得祖諸侯鄭氏無駁與許慎同也其王子母弟無大功德不得出

封食米畿內賢於餘者亦得采地之中立祖王廟故都宗人家宗人皆為都家祭所出祖王之廟也詳見祭

法

有天疾者不得入乎宗廟

今案公羊傳衛侯之母兄輒有惡疾不得立故

穀梁云爾昭  
公二十年穀梁

右祭主 傳武王末受命周公成文武之德追王

大王王季上祀先公以天子之禮斯禮也達乎諸

侯大夫及士庶人父為大夫子為士葬以大夫祭

以士父為士子為大夫葬以士祭以大夫期之喪

達乎大夫三年之喪達乎天子父母之喪無貴賤



一也

追王之王去聲 宋先生云此言周公之事未猶老也追王蓋追文武之意以及乎王迹

之所起也先公組紃以上至后稷也上祀先公以天子之禮又推大王王季之意以及于無窮也制為禮法以及天下使葬用死者之爵祭用生者之祿喪服自期以下諸侯絕大夫降而父母之喪上下同之推已以及人也 中庸 父為士子為天子諸侯則祭以

天子諸侯其尸服以士服

祭以天子諸侯養以子道也尸服士服父本無

爵子不敢以己爵加之嫌於卑之 養以上反疏曰云尸服士服者謂尸服玄端若君之先祖為士大夫則服助祭之服故曾子問云尸弁冕而出是為君尸有著弁者有著冕者若為先君士尸則著爵弁若為先君大夫尸則著玄冕是也若大夫士之尸則服家祭之服故鄭注士虞記尸服卒者

之上服士  
玄端是也

父為天子諸侯子為士祭以士其尸服

以士服

謂父以罪誅尸服以士服不成為君也天子之子當封為王者後以祀其受命之祖

云為士則擇其宗之賢者若微子者不必封其子為王者後及所立為諸侯者祀其先君以禮卒者尸服天子諸侯之服如遂無所封立則尸也祭也皆如士不敢僭用尊者衣服疏曰知謂父以罪誅者以其尸服士服故也以其嘗為天子諸侯不可以庶人之禮待之士是爵之最卑故服其士服云若微子者不必封其子者案尚書序云成王既黜殷命殺武庚命微子啓代殷後是擇其賢者不立封紂子是也云祀其先君以禮卒者尸服天子諸侯之服者案左傳云宋祖帝乙帝乙是以禮卒者而宋祀以為祖明其服天子之喪服小記

支子不祭祭

必告於宗子

不敢自專謂宗子有故支子當攝而祭者也五宗皆然疏曰支子庶子

也祖禰廟在適子之家而庶子賤不敢攝祭之也若濫祭亦是淫祀祭必告于宗子者支子雖不得

祭若宗子有疾不堪當祭則庶子代攝可也猶宜告宗子然後祭故鄭云不敢自專曲禮

庶子不祭祖

明其尊宗以為本也禰則不祭矣言不祭祖者主謂宗子庶子俱為適士

得立祖禰廟者也凡正體在乎上者謂下正猶為庶也疏曰此猶尊宗之義也庶子適子俱是人

子並宜供養而適子烝嘗庶子獨不祭者正是推本崇適明有所宗故經云明其宗也又云鄭據子

名對父此言庶子則是父庶父庶即不得祭父何假言祖故云禰則不祭也而記不應言不祭祖祖

是對孫今既云庶子不祭祖故知是宗子庶子俱為適士適士得立二廟自禰及祖是適宗子得立

祖廟祭之而已是祖庶雖俱為適士得自立禰廟而不得立祖廟祭之故云庶子不祭祖云凡正體在乎上者謂下正猶為庶也者明所以謂禰適為庶子之義也正體謂祖之適也下正謂禰之適也雖正為禰適而于祖猶為庶故禰適謂之為庶也五宗悉然

庶子不祭禰

謂宗

子庶子俱為下士得立禰廟也雖庶人亦然曰解庶所以不祭殤義也禰適故得立禰廟故祭禰禰庶不得立禰廟故不得祭其禰明其有所宗既無禰廟故不得祭子殤也又曰前文云不祭祖以有祖廟故注云宗子庶子俱為適士此文云不祭禰唯有禰廟故注云宗子庶子俱為下士若庶子是下士宗子是庶人此下士立廟于宗子之家庶子共其牲物宗子主其禮雖庶人是有祭義若宗子為下士是宗子自祭之庶子不得祭也

庶子不祭殤與無後者

殤與無後者從祖祔食

不祭殤者父之庶也不祭無後者祖之庶也此二者

當從祖祔食而已不祭祖無所食之也共其牲物而宗子主其禮焉祖庶之殤則自祭之凡所祭殤者唯適子耳無後者指昆弟諸父也宗子之諸父無後者為殤祭之食音嗣共音恭殤音善疏

曰此事與曾子問中義同而語異也曾子問中是明宗子所得祭就宗子之家宗子主其禮今此所言是庶子不得在當家祭者也庶子者謂父庶及祖庶也殤者未成人而死者也無後謂成人未昏或已娶無子而死者不得祭殤者謂父庶也不祭無後者謂祖庶也殤與無後者從祖祔食者解庶所以不自祭義也已不得祭父祖而以此諸親皆各從其祖祔食祖廟在宗子之家故已不得自祭之也又曰云不祭殤者父之庶也謂已是父之庶子及餘兄弟亦是父之庶子庶子所生之適子為

殤而死者不得自祭之以其已。是父庶不合立父廟。故不得自祭其子殤也。殤尚不祭成人無後不祭。可知云。不祭無後者。祖之庶也者已。是祖庶不立。祖廟故兄弟無後者不得祭之已。若是曾祖之庶亦不得祭。諸父無後者諸父無後當于曾祖之廟而祭已。是曾祖庶不合立。曾祖之廟故不祭之此直云祖之庶不云曾祖之庶者。言祖兼曾祖也。此無後者身正是庶。若在殤而死則不合祭也。云此二者當從祖祔食而已。不祭祖無所食之也者。一是殤二是無後。此二者當從死者之祖而祔食。祖廟在宗子之家。故已不得祭祖無所食以私家不合祭祖無處食之也。云共其牲物而宗子主其禮焉者。謂殤者之親共其牲物而宗子直掌其禮。庾氏云此殤與無後者所祭之時非唯一度。四時隨宗子之家而祭也。但牲牢不得同於宗子祭享之禮。故曾子問注云凡殤持豚其義具。曾子問

疏云祖庶之殤則自祭之者已於祖為庶故謂已  
子為祖庶之殤已是父適得立父廟故自祭于殤  
在于父廟也云無後者謂昆弟諸父也者昆弟謂  
已之昆弟已是祖庶祭無後昆弟當就祖廟已無  
祖廟故不祭無後昆弟云諸父也者已是曾祖之  
庶祭諸父當于曾祖之廟已無曾祖之廟故不祭  
無後諸父云宗子之諸父無後者為殤祭之者宗  
子合祭諸父諸父當于宗子曾祖之廟宗子是士  
唯有祖稱二廟無曾祖廟故諸父無後者為殤祭  
之若宗子為大夫得立曾祖廟者則祭之於曾祖  
廟不于殤也若宗子有大祖者不立曾祖廟亦祭  
之于殤素祭法云先壇後殤今祭之殤者皇氏云  
以其無後賤之故

小記

庶子若富則具二牲獻其賢

者于宗子

賢猶善也疏曰若富則具二牲獻其  
賢者于宗子者賢猶善也善者獻宗子

使祭之不善者  
私用自祭也

夫婦皆齊而宗敬焉

齊側皆反  
當助祭於宗

子之家疏曰夫婦皆齊而宗敬焉者大宗子將祭之時小宗夫婦皆齊戒以助祭于大宗以加敬

馬謂敬事

終事而后敢私祭

祭其祖禰疏曰終事而后敢私祭者謂

大宗終竟祭事而后敢以私祭祖禰也此文雖主事大宗子其大宗之外事小宗子者亦然內則

曾子問曰宗子為士庶子為大夫其祭也如之

何孔子曰以上牲祭於宗子之家

貴祿重宗也上牲大夫少牢

疏曰此一節論宗子祭用大夫牲之事上牲謂大夫少牢也宗子是士合用特牲今庶子身為大夫若祭祖禰當用少牢之牲就宗子之家而祭也以廟在宗子家故也又曰用大夫之牲是貴祿也宗



廟在宗子之家是重宗也此宗子謂小宗也若大宗子為士得有祖禰二廟也若庶子是宗子親弟則與宗子同祖禰得以上牲于宗子之家而祭祖禰也但庶子為大夫得祭曾祖廟已是庶子不合自立曾祖之廟崔氏云當寄曾祖廟於宗子之家亦得以上牲宗子為祭也若已是宗子從父庶子兄弟父之適子則于其家自立禰廟其祖及曾祖亦于宗子之家寄立之亦以上牲宗子為祭若已是宗子從祖庶兄弟父祖之適則立祖禰廟于已家則亦寄立曾祖之廟于宗子之家已亦供上牲宗子為祭此大夫者謂諸侯大夫故少牢知此是諸侯大夫者以下文云宗子有罪居于他國言他國則是據諸侯也以文相連接故知此大夫是諸侯大夫也

祝曰孝子某為介

子某薦其常事

為于偽反可以祭然

介副也不言庶使若疏曰宗子祭時祝告

神辭云孝子某孝子謂宗子也某是宗子之名介  
子某介子謂庶子為大夫者介副也某是庶子名  
也薦其歲之常事告神止稱宗子其時庶子身在  
祭位必知庶子在者以經云祭於宗子之家是大  
夫就宗子家而祭又曰上云庶子為大夫此亦當  
云為庶子某今云介子某者庶子卑賤之稱介是  
副貳之義介副則可祭故云  
使若可以祭然故稱介子  
若宗子有罪居于他

國庶子為大夫其祭也祝曰孝子某使介子某執

其常事

此之謂宗子攝大夫疏曰喪服小記士  
不攝大夫士攝大夫唯宗子也又曰此宗

子有罪出在他國庶子既為攝主不敢備禮故于  
祭末不為陽厭之祭也所以不為陽厭者陽是神  
之厭飫今攝主謙退似若神未厭飫然也不旅謂  
所將祭旅酬之時賓奠不舉不為旅酬也旅酬是

賓主交歡之始今攝主不敢當正主故不旅也不  
綴不綴祭者綴是主人受福綴是將欲受福先為  
綴祭今辟正主故不敢受綴以其不綴故不綴祭  
也不配者以祭初尸未入之時祝告神辭曰以某  
妃配某氏備告考妣今攝主不敢備禮略言皇祖  
而已此經所陳從祭末然後以次至祭初逆陳之  
必逆陳之者皇氏云以其攝主非正故逆陳以見  
義云厭厭厭神也者以其無尸設饌欲神之歆饗  
而厭飫是也云厭有陰有陽謂一祭之中有此兩  
厭下文有陰厭有陽厭是也陰厭約少牢特牲禮  
文祝酌奠者謂祝酌奠于鉶南且饗者祝奠訖且  
復以辭饗告神也是室與陰靜之處故云陰厭尸  
設之後佐食徹尸之薦俎設于西北隅得尸明白  
之處故曰陽厭今攝主不厭謂不陽厭也所以熊  
者厭是厭飫凡厭是神之歆饗云尸設至陽厭也  
者其上大夫當自賓尸故少牢禮無陽厭也下大

夫不賓尸有陽厭也其天子諸侯明日乃為緹祭亦有陽厭也故詩云和在爾室尚不愧于屋漏謂天子之禮天子既爾諸侯亦然此云攝主不厭謂下大夫攝不陽厭也禮有陽厭以其攝主故闕陽厭若上大夫本無陽厭可闕知此不厭者不陽厭此皆逆陳于祭末者先言故知不陽厭也云假讀為嘏至主人也者以古旁之嘏是福慶之辭少牢云嘏于主人嘏字古旁為之祭禮唯主人受嘏故知不嘏不嘏主人也云不綏祭謂飲食之時先黍稷牢肉而祭之於豆間故曰綏祭尸與主人俱有綏祭今攝主則不綏也所以然者凡將受福先為綏祭今辟正主不敢受福故不綏也若綏少牢禮云祝出迎尸尸入即席坐而祝命尸綏祭尸取豆及黍稷肺祭于豆間是謂之綏祭綏是減毀之名尸與主人俱有綏祭也云今主人者謂今攝主人也云綏周禮作墮者以綏是綏祭之義墮是減

設之名故從于周禮墮為正守祧云既祭則藏其  
隋是也云不配者祝辭不言以某妃配某氏者謂  
祝辭直言薦歲事于皇祖伯某不云以某妃配某  
氏某氏者某妃之姓也若云某妃姜氏子氏之類

也  
**攝主不厭祭不旅不假不綏祭不配**  
厭于艷反

綏注乍墮

許垂反又況垂反皆辟正主厭厭飫神也厭有  
陰有陽迎尸之前祝酌奠奠之且饗是陰厭也尸  
設之後徹薦俎敦設于西北隅是陽厭也此不厭  
者不陽厭也不旅不旅酬也假讀為嘏不嘏不嘏  
主人也不綏祭謂今主人也綏周禮作墮不配者  
祝辭不言以某妃配某氏辟音避諛色六反敦  
設對疏曰此一節以曾子前問宗子為士庶子  
為大夫孔子答畢更為曾子廣陳宗子有罪出居  
他國庶子為大夫在家法其祭之禮業少牢饋食  
司宮筵于奧設饌畢祝酌奠于鉶南主人西向再

拜播首祝曰孝孫某敢用柔毛剛鬣嘉薦普淖用  
薦歲事于皇祖伯某以某妃配某氏尚饗此所謂  
醑也今攝主則不配少牢又云祝出迎尸尸入即  
席坐而執祝前之罍而祝命尸綏尸取菹饌于醢  
祭于豆間及祭黍稷肺等是謂尸綏祭也尸飯十  
一飯訖主人洗爵醑尸尸酢主人主人拜受爵上  
佐食取黍稷肺授主人所謂綏祭也今攝主不綏  
祭少牢又云主人左執爵祝與二佐食取黍以授  
尸尸執以命祝祝受以東北而嘏于主人曰皇尸  
命工祝承致多福無疆于女孝孫所謂嘏也今攝  
主則不嘏也索時牲主人受嘏之後獻祝及佐食  
先主婦獻尸及祝佐食訖乃賓長獻尸尸爵止未  
飲訖賓獻祝及佐食洗酌致于主人主婦訖主人  
獻賓賓酢主人主人又獻衆賓訖尊兩壺于阼階  
東而少亦如之主人酌西方之尊以酬賓主人奠

爵于賓之薦北賓取爵東南奠于薦南所謂布奠  
于賓也今攝主主人奠于薦北賓取奠于薦南而  
不舉也主人獻長兄弟又獻衆兄弟訖長兄弟加  
爵于尸衆賓長又加爵于尸訖嗣子聚奠舉奠訖  
賓坐取薦南之爵酬長兄弟長兄弟酬東賓衆賓  
酬衆兄弟所謂旅酬今攝主不旅酬也特牲云旅  
酬之後無算爵無算爵之後祝告利成尸起主人  
降佐食徹尸薦豆設于西北隅所謂陽厭今攝主  
不為此  
陽厭也  
**布奠於賓賓奠而不舉**  
布奠謂主人酬賓  
奠解于薦北賓奠

謂取解奠于薦南也此酬之始也奠之不舉止旅  
酬之致反又音又疏曰謂主人酬賓之時賓  
在西廂東南主人布此奠爵于賓之北賓奠而不  
舉者賓坐取薦北之爵奠于薦南而不舉用以酬  
兄弟此則不旅酬之事而更別言者以上文摠云  
祭祀是主人之事自此以下更別論賓禮有闕故

重言之又曰此皆特牲禮文云此酬之始也者案  
特牲禮云賓奠之後主人獻眾兄弟內兄弟訖乃  
行旅酬故云此旅酬之始也云奠之不  
舉止旅者謂止旅酬之事而不為也

**不歸肉**

如歸

字又其位反肉俎也謂與祭者留之共燕與  
音預疏曰歸饋也謂不歸俎肉于賓也又曰賓

客正祭諸助祭之賓客各使歸俎今攝主不  
敢歸俎肉於賓故注云諸與祭者留之共燕

**其辭**

**于賓曰宗兄宗弟宗子在他國使某辭**

辭猶告也宿賓之辭

與宗子為列則曰宗兄若宗弟昭穆異者曰宗子  
而已其辭若云宗兄某在他國使某執其常事使  
某告疏曰非但祭不備禮其將祭之初辭告于  
賓與常禮亦別云宗兄宗弟宗子在他國不得親  
祭故使某執其常事使某告也故云使某辭又曰  
云宿賓之辭案特牲云乃宿尸注云宿讀為肅肅



進也進者使知祭日常來下云宿賓故云宿賓之辭又曰與宗子若同列者云宗兄宗弟其昭穆異者宗子雖祖父及子孫之行但謂之宗子曾子問

曾子問曰宗子去在

他國庶子無爵而居者可以祭乎孔子曰祭哉

有子

孫存不可以乏先祖之祀疏曰此一節論庶子代宗子祭之事各依文解之又曰論曾子以孔子上丈云宗子有罪居在他國庶子為大夫得在本國攝祭未知庶子無爵在國居者可祭否故問之孔子曰祭哉者孔子既許其祭以無正文得祭故云祭哉哉者疑而量度之辭故注云有子孫存不可以乏先祖之祀請問其祭如之何孔子曰望墓而為壇

以時祭

不祭于廟無爵者賤遠辟正主遠于萬反疏曰請問其祭如之何孔子曰望墓

而為壇以時祭者宗子雖有廟在宗子之家庶子無爵不得就宗子之廟而祭唯可望近所祭者之墓而為壇以四時致祭也又曰所以不祭于宗子廟者以庶子無爵卑賤遠辟正主正主謂宗子也據鄭此言宗子去在他國謂有爵者若其無爵在家本自無廟何須云不祭廟辟正主也鄭必知是有爵者以經云宗子去在他國庶子無爵明宗子是無爵此宗子去他國謂有罪者若其無罪則以廟從本國不得有廟故喪服小記注云宗子去國乃以廟從謂無罪也

### 若宗子死告

於墓而後祭於家

言祭于家容無廟也疏曰孔子上為曾子說宗子身在外此

又說宗子身沒謂告于所祭之墓而后祭于庶子無爵者之家也又曰從上以來雖據宗子有爵而言其廟在家今宗子既死庶子無所可辟當云告于墓而后祭于宗子之家今直云祭于家是祭于

庶子之家是客宗子之家無廟故也宗子所以無廟者宗子無爵不合立廟或云祭於家者是祭於宗子之家客庶子之家無廟也庶子所以無廟者一是庶子無爵不合立廟二是宗子無罪居他國以廟從本家不復有廟故也

### 宗子死稱名不言孝

孝宗子之稱不敢與之同


其辭但言子某薦其常事疏曰宗子既死庶子其祭之時告神但稱其名不得稱孝時宗子也又曰土文孝子某使介子某孝子是宗子之稱今直言名不言介若宗子在得言介子某今宗子既死身又無爵復稱名不得稱身沒而已  
介故但言子某薦其常事  
孝  
疏曰其不稱孝者唯已身終沒而已至其子則稱孝也以庶子合稱孝者庶子身死其子則是庶子適子祭庶子之時  
可以稱孝  
**子游之徒有庶子祭者以此**  
此禮祭也用

疏曰以其禮無正文故孔子引子游  
之徒黨有庶子祭者而用此禮而祭  
若義也順

疏曰若順也謂順  
於古義故云若義也  
今之祭者不首其義故誣於

祭也  
首本也誣猶妄也  
祭者不尋本義之道理為此祭故云誣于祭

謂妄為祭之法不  
依典禮  
曹子問



儀禮經傳通解續卷二十五上